

ამიერ-კავკასიის ახალგაზრდა მარქსისტთა ორგანიზაცია.

პრელუდარულ ყველა ძველსა, შერთდით!

კვირა, 4 თებერვალი 1918 წ.

ფასი 40 კაპ.

# ახალი პეპელი

ყოველ-კვირეული სამეცნიერო საპოლიტ. და სალიტერ. ჟურნალი.

№ 4 ორგანო ახალგაზრდა მარქსისტთა ორგანიზაციებისა. № 4

1905



აკაკი

(გარდაცვლებიდან სამი წლის თავზე).





# აზიურ-კავკასიის სივი.

რუსეთში გაღვივებულმა სამოქალაქო ომმა ეს ევებერთელა სახელმწიფო ნაფლეთ-ნაფლეთათ აქცია. აღარ არსებობს ყველასათვის მისაღები, ყოველი კუთხის ნდობით აღჭურვილი რევოლიუციონური ცენტრი; ეკონომიური და პოლიტიკური კავშირი ჰეტროგრადას და სხვა და სხვა კუთხეებს შორის გასწყდა. ერთ მთლიან დემოკრატიულ რუსეთის მაგივრათ ჩვენ ვხედავთ რამოდენიმე დამოუკიდებელ ნაწილს: უკრაინას, ციმბირს, დონს, ჩრდილოეთ კავკასიას, და ეს სწორეთ იმ დროს, როდესაც ქვეყნის წინაშე სდგას უდიდესი კითხვა ყოფნა-არყოფნის შესახებ; ამ კითხვის გადაჭრაში ყველა ერთნაირათ არის დანიტერესებული, მის განსახორციელებლათ აუცილებელია ყველა რევოლიუციონური და დემოკრატიულ ძალების გაერთიანება და შეკავშირება. ვინ უნდა ჩამოაგდოს საპატოო ზავი, რომელიც ასე სწყურია ქვეყანას, თუ არა მთელმა, სათანადო ძალით და ავტორიტეტით აღჭურვილმა დემოკრატამ? ვინ უნდა მოაწესრიგოს ფინანსური და ეკონომიური ცხოვრება, თუ არა ერთმა მკიდრო ცენტრმა, რომელიც ყველა ცხოვრმყოფელ ძალებს გაერთიანებს? ჩვენ ყოველთვის ვეჭვობდით, რომ ადგილობრივ საქმეების მოსავარებლათ საქიროა ფართო უფლებებით აღჭურვილი ადგილობრივი თვითმართველობა, მაგრამ მასთან ერთათ ყოველთვის ვამტკიცებდით, რომ საქიროა, განსაკუთრებით ასეთ დროს, როცა მთელი ქვეყანა საშინელმა არეულობამ და ანარქიამ მოიცვა, ძლიერი ცენტრი, რომელიც სხვა და სხვა თვითმართველ ერთეულთა ძალებს გაერთიანებდა. დამფუძნებელს კრება უნდა ყოფილიყო მთელი რუსეთ ს ბატონ-პატრონი, ამ იდეაში თავს იყრიდა რუსეთის ყველა სასიცოცხლო ძარღვები.

მაგრამ დღეს რუსეთის დამფუძნებელი კრება აღარ არის, ის არ მოქმედობს! მისი გარეკა—სამარცხენო და სამწუხარო მოვლენაა, მაგრამ მასთან ერთათ რეალური ფაქტი, რომელსაც შესაფერისი ლოლიკური დასკვნა უნდა გაუკეთათ. ამ ფაქტს ის აუცილებელი შედეგი მოყვა, რომ თვითველი მხარე და თვითველი ერი რუსეთში თავის საკუთარ ძალების ანაბარა დარჩა; ამის შემდეგ თვი-

თველი კუთხე იძულებული ხდება დამოუკიდებლათ გადასტრას სხვა და სხვა საქირობოროტო კითხვები. ასეთ პირობებში ჩავარდა ჩვენი—ამიერკავკასია. რუსეთში სამოქალაქო ომი და ანარქია თან და თან იზრდება; რევოლიუცია და დემოკრატია, რაც დრო გადის, უფრო და უფრო იხრწება. რა მოგველის ჩვენ? როგორი პოლიტიკური პერსპექტივები იშლება ჩვენს წინაშე? ნოე ყორდანისას სამართლიან თქმის არ იყოს, რუსეთის რევოლიუციის მომავლის შესახებ შეიძლება სამი აზრი გვექონდეს: ან იგი (რუსეთი) განაწილებული იქნება იმპერიალისტურ სახელმწიფოთა შორის, ან თვით შინაგანი განვითარება რევოლიუციისა უშაბდებს მის დამარცხებას და რეაქციას, ან და, თუ კი დემოკრატია თვითველ მხარეში შესძლებს გამავაროს თავისივე ძალობით პოზიციები, შესაძლო იქნება ამ დემოკრატიულ ერთეულების შეკავშირება და ამრიგათ მთლიან დემოკრატიულ ფრონტის აღდგენა.

ამ შესამე გას ადგია ჩვენი პარტია და მასთან ერთად ამიერ-კავკასიის დემოკრატიის უმრავლესობა.

ჩვენში არჩეულმა დამფუძნებელ კრების პუტატებმა 23 იანვრის კრებაზე მიიღეს მენშევიკების რეზოლიუცია ამიერ-კავკასიის საკანონმდებლო სემიის მოწვევის შესახებ. ეს სემიი დამოუკიდებლათ გადასტრის ჩვენი კუთხის ყველა საქირობოროტო კითხვებს. სემიის დაუყონებლივ მოწვევას წინააღუდგენ ერთი მხრით სოციალისტ-რევოლიუციონერები და მეორე მხრით დაშნაკელები. პირველი თუმცა თითქოს იზიარებენ სემიის იდეას, მაგრამ მოითხოვენ ხელ-ახლა არჩევნების მოხდენას; რაც შეეხება დამფუძნებელ კრების დეპუტატებს, მათის აზრით, მათ მოვალეობას შეადგენს მხოლოდ ადგილობრივი მთავრობის შედგენა, ამის შემდეგ ისინი პეტროგრადს გაემგზავრებიან დამფუძნებელ კრებაში სამუშაოთ, მომავალი ადგილობრივი მთავრობა პასუხისმგებელი იქნება მუშათა, გლეხთა და ჯარისკაცთა ცენტრის წინაშე, ესერებისაგან ასეთი განცხადების მოსმენა არ იყო მოულოდნელი; ის პარტია, რომელიც ადგილობრივ ცხოვრებაში სრულიად ნიადაგ მოკლებულია, რომელიც ძალიან ნაკლებათ იცნობს ჩვენ ქვეყანას, რომელიც ყვარდება სახლში მიმავალ ჯარს, რა თქმა უნდა ვერ გამოხატავს სრული სისწორით ჩვენი დემოკრატიის სულისკვეთებას.

რაც შეეხება დაშნაკელებს — მათი უკმაყოფილება გამოწვეულია უმთავრესათ იმ გარემოებით, რომ სემიმი, — როგორც მთელი ამიერ-კავკასიის ცენტრალური ორგანო, ნებას არ მისცემს მათ ჩვეული ნაციონალისტური პოლიტიკა აწარმოონ თავიანთ ეროვნულ საბჭოში.

დაშნაკელები და ესერები პრინციპიალურათ არ ეწინააღმდეგებიან ამიერ-კავკასიის სემიმის მოწვევას, მაგრამ ამისთვის სპეციალურ არჩევნებს ითხოვენ. ეს წინადადება დღევანდელ არანორმალურ პირობებში სრულიად განუხორციელებელია. სანამ ახალი არჩევნები მოხდება, დიდი დრო გავა, ამის განმავლობაში-კი ამიერ-კავკასიის უკანონმდებლო ორგანოთ დატოვება — ნაშნავს ანარქის და სამოქალაქო ომის გაძლიერებას, სარევოლიუციო ცენტრისათვის საკანონმდებლო ფუნქციების გადაცემა არ შეიძლება ჯერ ერთი იმიტომ, რომ ის უწინარეს ყოვლისა არის სარევოლიუციო ორგანო, რომელიც დემოკრატიის საქმეს დაარჯათ უღდას და რევოლიუციის გამტკიცების საქმეს ემსახურება; სპეციალური საკანონმდებლო მუშაობა მას არ შეუძლია.

თუნდაც რომ შეეძლოს, ჩვენ ნუ დავივიწყებთ იმ არა სასიამოვნო, მაგრამ რეალურ გარემოებას, რომ ცენტრს ვაგონა აქვს მხოლოდ თბილისის და ქუთაისის გუბერნიებში, სხვაგან კი მას არც სცნობენ და არც ემორჩილებიან.

რაც შეეხება ეროვნულ საბჭოებს, მათთვის სახელმწიფოებრივი უფლებების გადაცემა, ამჟამათ ყოვლად შეუძლებელია, ეს მხოლოდ ეროვნულ შუღლს გააჩაღებდა ამიერ-კავკასიაში.

საბედნიეროთ, სემიმის მოწვევა — უკვე სინამდვილეა. 10 თებერვალს ის შეიკრიბება.

რა უნდა ვაკეთოთ სემიმა?

პირველი, უდიდესი საქმე, რომელიც მან უნდა შეასრულოს — ეს არის საპატიო ზავის ჩამოგდება. მთელი თავისი ძალდონე, თავისი ავტორიტეტი უნდა მოახმაროს მან ამ მიზნის მიღწევას.

შემდეგი მნიშვნელოვანი კითხვა, რომელიც უნდა გადაჭრას სემიმა, შეეხება ეროვნულ-პოლიტიკურ თვითმართველობათა შემოღებას.

ერთის სიტყვით აგრარული, ეროვნული, მუშათა და სხვა საკითხები მთელი თავისი სიმწვაით სდგანან ადგილობრივ დემოკრატიის წინაშე და ქვეით უნდა იქნეს მიმართული მთელი ენერჯია

სემიმისა, საქირო რეფორმების გასატარებლათ. დიდი საქმე აქვს გასაკეთებელი ამიერ-კავკასიის სემიმს, დიდი პასუხისმგებლობა დააკისრა მას ისტორიამ.

დემოკრატია გულწრფელათ უნდა უსურვოს სემიმს ნაყოფიერი მუშაობა, ვინაიდან ის, მოწოდებულია ხალხის საქმე შეასრულოს.

მ. ხუნდაძე.

აკაკი.

(კრიტიკული ეტიუდი).

ამ დღეებში შესრულდა სამი წელიწადი, რაც ჩვენი დიდი მგოსანი აკაკი წერეთელი გარდაიცვალა. მას შემდეგ, რასაკვირველია, ბევრმა წყალმა ჩაიარა და დიდი და საყურადღებო ამბებიც მოხდა; ასე რომ აკაკი თან და თან მიეფარა სცენას და ბოლოს მიფიწყებულ იქნა. ეს მოვლენა, რასაკვირველია, სრულიად ბუნებრივია; ჩვენ კარგათ ვიცით, რომ არ არსებობს მუდმივი მუშაობარბი ისევე, როგორც არ არსებობს მუდმივი სიხარული. ჩვენთვის ყველაფერი დრავებითი და წარმავალია, არაფერი არ არის ქვეყანაზე აბსოლიუტური და შეურყეველი. მაგრამ აკაკის შემოქმედებას ისეთი დიდი მნიშვნელობა ჰქონდა ჩვენი ქვეყნის მე-XIX-ე საუკუნის მეორე ნახევრისთვის, აკაკიმ ისეთი ვაგონა მოახდინა ჩვენ განვლილ ცხოვრებაზე, რომ არ შეიძლება მისი ხსოვნა არ იქნას აღნიშნული თუნდაც ესლა, ესლა, როდესაც ასეთს საბედისწერო მომენტს განვიცდით, ესლა, როდესაც მუშაობადი გამოუცნობ სფინქსივით აღმართულა ჩვენ წინ. როკა რევოლიუცია საფრთხეშია და მის მომავალში მღრღნელი იჭვები გვეპარება. საქირო ხდება უაღრესათ უღრესი ძალა და მახვილი გონება, რომ ვიარხებოთ. ეგები „ჩვენი აკაკის“ პოეზიის მოკლე განხილვით უფრო აგვიმალდეს გონება, მეტათ ვაკვივთაქიზებს ვრძნობა და კავივით გამოიჭედოს ჩვენი ნებისყოფა, რომ აპით ბრძოლაში ნაწრითობთ, აუცილებლივ შეგვეძლოს დაძლივა ყველა იმ შავ შესაძლებლობათა, რომელნიც მტრათ უღდას ჩვენ ფიზიკურ არსებობას და ბრწყინვალე რევოლიუციის მეთრ ნაშნაპოვარ თავისუფლებათ... ამ კრიტიკულ ჟამს ერთის თვალს ვადავლებით მიინც ვადავებლოთ აკაკის პოეზიას, ვინაიდან ტყელოთ არ ამბობს ერთ ალაგას კ. კაუტსკი, რომ პოლიტიკა და ხელოვნება ერთმანეთის მეგობრებია: პოლიტიკას შეუძლიან ხელოვნებას მისცეს უძვირფასესი მასალა შემოქმედებისათვის, უძლიერესი იმპულსები, ხელოვნებას კი შესწევს უნარი სალ-კლდე-სავით ვაამაგროს პოლიტიკურ მებრძოლის ძალ-ღონელო... როგორც ვსთქვით, აკაკი დიდი მგოსანია. ის ისეთი ცენტრალური ჩირალდანია, რომელიც საკმაო დიდ სიმორბეხ ანათებს ვარემოს, ეს ისეთი მწერალია, რომლის მთლიანი, საუფუძლიანი და დეტალური შესწავლაც ამავე დროს იქნებოდა საქარიველოს გასული საუკუნის

მეორე ნახევარის გონებრივ-ხელობრივი ვითარების და ლიტერატურის მდგომარეობის გათვალისწინებაც. მაგრამ ჩვენ კარგათ ვიცით, რომ ბოლოს და ბოლოს ლიტერატურა, როგორც ერთი სახე გონებრივი კულტურისა და „იდეოლოგიათა ზედნაშენის“ ერთი ფორმითავე არსებითად დამოკიდებულია ეკონომიკაზე, რომ იგი განისაზღვრება ბოლოს და ბოლოს ნივთიერი ცხოვრებისა და საწარმოო ძალთა მდგომარეობით. მეცნიერული დებულებათა, რომ ეკონომიური ვითარება არის საფუძველი ანუ ბაზისი იდეოლოგიის ყოველი ფორმის, როგორც მარქსი იტყვად „ადამიანთა შეგნება კი არ განისაზღვრავს მათ მდგომარეობას, არამედ, პირიქით, მათ სოციალურ მდგომარეობაზეა დამოკიდებული მათი შეგნებაც“. ამიტომ აკაკის შემოქმედების, და საერთოდ მთელი ჩვენი იმდროინდელი ლიტერატურის, მაღალიან შესწავლით ჩვენ ვეცნობით აგრეთვე მთელ კულტურას, როგორც ნივთიერს, ისე სულიერს, როგორც სოციალ-ეკონომიურს, ისე ლიტერატურულ პოლიტიკურს. სწორეთ ამისთვის აუცილებელი ხდება აკაკის ყოველხრივი განხილვა, რადგანაც ის მისივე სიტყვით „გარემოების საყვირა“, „სარკეა ცხოვრების“. აკაკის შემოქმედება უნდა გამოჩნდეს მთელი თავისი სიღრმე-სიმაღლით და სიგრძე-სიგანით. მაგრამ აკაკის განხილვა არ უნდა მოხდეს მარტო, როგორც ვ. ფრიზე იტყვის, ფილოლოგიურისა და ესტეტიურის მხრივ, კრიტიკა არ უნდა დაქმნაყოფილდეს მარტო ფაქტიური მასალის დაგროვებით, ან და ესტეტიური ანალიზის გაკეთებით, არამედ ჩვენმა კრიტიკამაც უნდა დაიწყოს ძირიდან, სიღრმიდან და ქვეყნის სოციალ-ეკონომიური მდგომარეობის თვალსაზრისით გააშუქოს როგორც აკაკის, ისე სხვათა, პოეზია. ეს უნდა მოხდეს იმისთვის, რადგან, ვიმეორებთ, ლიტერატურული მოძრაობა და განვითარება მხოლოდ ზედნაშენია (ბოლოს და ბოლოს) ეკონომიური მოძრაობისა და განვითარებისა. ამისთვის ვისაც სურს რომელიმე ერის რაიმე სალიტერატურო მიმართულებას გაეცნოს, მან უპირველესად ყოვლისა ამ ერის სოციალ-ეკონომიური ვითარება უნდა შეისწავლოს, რადგანაც ვარემოება, საწარმოო ძალთა მდგომარეობა და მათი განვითარება ჰქმნის აზრს, იდეას და არა წინააღმდეგ. ასეთია მეცნიერების სიტყვა ისტორიული განვითარების და მათ ფორმაციათა შესახებ. და აი ჩვენ თუ ამ პიონციკას ვიხელმძღვანელებთ, მაშინ შევისწავლით აკაკის, და საერთოდ ჩვენ შვიერობას, ყოველმხრივით, მაშინ იქნება ის მთლიანათ ვაშუქებული, მისი პოეზია გათვალისწინებული და ხელის გულზე გადმოშლილი.

აქვე უნდა აღვნიშნოთ, რომ ჩვენ არ ვართ მომხრე ისტორიული მატერიალიზმის ისე ვულგარულათ ვაგების და უბრალოდ ახსნის, რომელსაც მეცნიერებაში ეწოდება „თეორია წინასწარ მიღებული პარამონისა“. არის მოვენებები, რომელთაც ამ საზომით ვერ მიუღებთ და ეს თქმის უპირველესად ყოვლისა და უმთავრესათ ხელოვნებაზე. აშკარაა სირთულე და მრავალმხრივობა სა-

ზოგადობრივი ორგანიზმის და ამ ორგანიზმის განვითარების სხვა და სხვაობა. როდი კმარა მარტო „ახსტრაკტული პარალელიზმი“ ბაზისსა და ზედნაშენს შორის. სოციალური ცხოვრების ყოველ მხარეს აქვს თავისი შინაგანი კანონები, მისმა შექონილი განვითარება და მნიშვნელობა; არის ამ მხარეთა ურთი ერთ გავლენა, მეტადრე იდეოლოგიას აქვს უდიდესი გავლენა ისტორიულ პროცესზე. ამას გარდა მოვლენებს აქვს თავისი სპეციფიური და კონკრეტული სახე, მაგრამ საბოლოოდ მანაში მეთოდოლოგიაში და სოციალურ ევოლუციაში უცილო რჩება. ამიტომ ვიღებთ ჩვენ „ზედნაშენის შედარებით დამოუკიდებლობის თეორიას“, როგორც სწორ შეხედულობას მარქსიზმში.

ყოველ ესტეტიურს, ხელოვნურ ნაწარმოებს ორის კრიტიკით უნდა მიუდგეთ: სოციალოგიური და ესტეტიური საზომით. „კრიტიკოსის უპირველესი მოვალეობა — ამბობს ვ. პლენხანი — მდგომარეობს იმაში, რომ მან გაცილებას მხატვრული ნაწარმოების იდეა ხელოვნების ნიდან სოციალოგიური ენაზე, რასაც შეიძლება ეწოდოს ლიტერატურული სახის სოციალოგიური ეკვივალენტი“ ჩვენც, რამდენადაც დრო, ვარემოება და ადგილი ამის ნებას მოგვცემს; ამ მხრივ მიუღებთ აღებულ საგანს.

1864 წელს საქართველოში ოფიციალურად ბატონყმობა გაუქმდა. მოისპო ის შემზორკველი ინსტიტუტი, რომელიც ჩვენი ქვეყნის საწარმოო ძალთა განვითარებას გასაქანს არ აძლევდა. 70-80-იან წლებიდან დაიწყო საქართველოს აღორძინება. ძველი ფეოდალური და კარჩაკეტილი ჩვენი ქვეყანა ნელ-ნელა და თანდათანობით გზას უთმობს ახალს, ახალი მოთხოვნილებებით და იდეალებით გამსჭვალულ საქართველოს. ნატურალური მეურნეობა ნელნელა ადვილს უთმობს ახალ ეკონომიურ ფორმაციას. ჩნდება რკინის გზები, შარა გზები. ერთი მხარე უკავშირდება მეორე მხარეს. პროვინციალიზმის კედლები ირღვევა, ახალი ძალის მიერ და ამ ძალას ეწოდება ვაჭრობა და მრეწველობა. ჩვენი ქვეყანა ასე თუ ისე ევროპის გზაზე შედგა, სამოქალაქო ცხოვრება ჩაღდება. ამ დროს ცხოვრების ყველა დარგმა, ძველიან შედარებით, დაიწყო განახლება. საეპქო კაპიტალის ზევაგლენით ახალმა ცხოვრებამ იწყო ჩუხჩუხი.

საერთოდ უნდა ითქვას, რომ აი ეს ხანა, კაპიტალიზმის დასაწყისი ჩვენში, საკმაოდ არის გამორკვეული ქართულ მარქსისტულ ლიტერატურაში. აი ამ ხანგმშივე ფრთა გაშალა ჩვენმა მწერლობამ. აკაკი იყო ის პიონერი, რომლის ქანამაც გამოსცა ჯერ არ გავგონილი საამუშაო ხმები და ამით პირველი სხივები დაეცა საქართველოს გამოსაფხიზებლათ გამზადებულს სსკულს. ჯერ ბატონყმობა არც კი გადაფარდნილიყო, რომ აკაკიმ 1864 წელს „ციკარში“ გამოაქვეყნა ლექსი „გლეხის ახსარება“, სადაც იმერელი გლეხის უმწეო მდგომარეობა დაასურათა. კართების ბორკილის მოსპობისთანავე აკაკიმ გლეხობას ახარა:

„თავისუფლების სხივები გულს მოგაფინაო“.

ამავე ხანებშივე, სახელდობრ 1864 წ. მის ლექსში გათავისუფლებული გლეხის დედა შემდეგს ეუბნება თავის შვილს:

„გაიზღები გენაცალე თავისუფალიო,

**ბატონი** ვერ შეგაწუხებს, ვერც გაგტებს ვლიო“.

აკაკიმ აქედანვე ომი აღტებსა გლეხების მჩაგვრელებს. მისი მიზანი — გაოვიტცნობიერებული და სწავლა მიღებული გლეხკაცობა შეიქნა. ის თავისი რეალიზირებული უფროსი მხატვრულით გეოსურათებს გლეხობის ცხოვრებას, მათ ჭირს, ღვინას, ფსიქოლოგიას. გაეხსენოთ მისი შესანიშნავი ლექსები „მუშები“, „სიმღერა მკის დროს“, „მუშის ნატვრა“, „მუშური“ და სხვ. საკითხავია, საიდან გაიწიო აკაკიმ გლეხის ცხოვრება? როგორც ვიცით, იგი დაბადებიდანვე გახაზარეს გლეხის ოჯახში და იქ იზრდებოდა რვა წლამდე. აქ ამ გლეხის ქონში გაეცნო და ეხიარა იგი ხალხურ ცხოვრებას და შემდეგ, როცა სხვა წრეში ჩაეარდა, მასში გაიღვიძა დემოკრატიულმა და ოპოზიციონურმა სულისკვეთებამ, მისწრაფებამ და იდეალიზმმა. აკაკიმ იმ დროში თავიდანვე უარყო ყოველგვარი პირადი ბედნიერება და თავის დროშას ხალხის სამსახურს დააწერა. აკაკი თითონ ამბობს: „ამ ალიაქოის (მან თავისი მჭრელი კალმით საჯაროთ გაპიტიცნა ჩინ-ორღენებისა და კარიერის მოტრფიადენი და ამით ბევრი „ძლიერი ამა სოფლისა“ გაიღმტერა. არ—მ.) ზედ დაერთო კიდევ გლეხების გათავისუფლება, რომელსაც მე თანა უგრძობი და დეჟურე „ია—ნანა“. მაშინ კი აუტანელი შეიქმნა ჩემი ცხოვრება: ჩამოვმორადი დედამას, ოჯახს... ცოლშვილი საყოლში გავისტუმრე და მე გავეცადე, ავიღე საპირაუო ცხოვრებაზე ხელი, განაგე გადავდევი ყველაფერი და აშკარად შეუდექი ჩემ გზას, რაც დამემართოს, დამემართოს მეთქი. და მის შემდეგ, ორჯერ—სამჯერ სიკვდილს გადარჩენილს, მოთმინება ფარად მქონდა და თითონ კი უშიშრად უყვდი ყოველგვარ ცუდ მოვლინებას. ჩვენში შეიძლება ზოგჯერ კიდევ შემცდარეყავი, მაგრამ ყოველთვის კი გულწრფელი ეყოფილვარო“. ეს აკაკის აღსარებაა და ჩვენ უფლება არ გვაქვს არ დავიჯეროთ. და მართლაც: თუ ჩვენ გულდამსმით ჩაუკვირდებით მის ცხოვრებას და მის სამწერლო მოღვაწეობიდან საერთო ხასიათის მოვლენებს ერთ ძავეზე ავასხავთ, აშკარად და ნათლად დავინახავთ, რომ აკაკი ყოფილა თავის დროის ერთი უდიდესი მებრძოლი, ქემმარიტი დემოკრატი და პროგრესული აზრების მატარებელი ადამიანი.

აკაკის პოეზიას ყოველთვის ახასიათებს უკიდურესი გულწრფელობა და პირაპირობა. თავის სამოღვაწეო პროგრამას იგი ასე გადმოგვივლის:

„მე ჩანგური მისთვის მინდა, რომ სიმართლეს მახსურებდეს, განამტკიცოს რი წმინდა, გულს სიწმინდით ახურებდეს,

რომ დაჩაგრულს მის სიმღერით გულს ცრემლები ეშრობოდეს და მჩაგვრელს კი გულში ძვრით ისარვით ესობოდეს“.

და იმ შეზენელ დროში დემოკრატიაზე დაჩაგრული განა კიდევ ვინმე იყო? აკაკი სიმართლის მოსარჩლე იყო, ე. ი. ამ დემოკრატიის დამცველი.

80-იან წლებში, როდესაც რუსეთის ნაროდნიკული მოძრაობა მწარედ დამარცხდა და რეაქცია გაბატონდა, აკაკიმ გამოაქვეყნა შესანიშნავი ლექსი „ხანჯალი“, სადაც მტრისაგან გამოსახსნელ იარაღთ ხანჯალი დაისახა და აღიარა, რომ უხვმ ძალას ძალავე უნდა დაუპირდაპირდეს. აკაკი მუდამ ხალხთან იყო. იგი მიხვდა, რომ ხალხის გულში დაუფასებელი განძი მარხია. აკაკიმ შეიტკბო და შეითვისა დემოკრატია, დაეწაფა მის გულს და იქ ჰპოვა, რასაც ეძებდა. მან საქართველოს მხსნელათ გათვითცნობიერებული დემოკრატია გამოაცხადა და იმედი, როგორც ეხვდავთ, არ გასცრფებია. დღეს ამ დემოკრატიაზე უკვე დაღწეა ძველი წესწყობილება და ახალ, თავისუფალ ცხოვრებას აწყობს...

როგორ შეხვდა აკაკი 1905 წლის რევოლუციონერ მოძრაობას? აქ მან გამოაქვეყნა შესანიშნავი ლექსი, რომელიც მხატვრული ფორმით არ ჩამოუვარდება სხვა მის პირველ-ხარისხიან ლექსებს:

„მადლობა უფალს რომ მივესწარი, ჩემი სურვილის ასრულებასა და ვით ბულბული დაბერებული, მეც დროს უვალობო „ქებათ-ქებასა“. მართალი არის სისხლი იღვრება, არა მოითხოვს, ამას ბუნება, წყალი ხორცსა ჰბანს და სისხლი სულისა, ამას გვიმოწმებს, თვით ქრისტეს ენება. თითო ოროლა კარგიც იჭრება, რომ იმარგლება სიმინდის ყანა, მაგრამ ამისთვის მის გათონხანზე, ხელს იღებს ხოლმე ქვეყანა განა? მყრალ ბალახებთან ზოგჯერ უეცრათ, იჭრება ხოლმე ვარდი და ია, საქმე არ არის ერთი და ორი, საქმეა მხოლოდ თვით იღვიბი.“

**ხალხი მღელვარებს, ვაშა მის ღელვას!**“

თუმცა აკაკის შეზენელობა ქართველი ერის სხვა და სხვა კლასებზე და წოდებებზე ხშირათ იცვლებოდა სხვა და სხვა მიზეზთა ვალდენით, მაგრამ ამისდა მიუხედავით წითელი ზოლივით გატარებულია მის შემოქმედებაში უარესი სიყვარული ქართველი ხალხისადმი: ამას ამტკიცებს თუნდაც მისი ანდრძი ხალხური ზეპირ-სიტყუავობის შესახებ. აკაკიმ თავისი ლირიკის საშუალებით დაუახლოვა ლიტერატურა ფართო მასსა და სწორედ აქ არის მისი ლირსება და სიდიადე. ამის შესახებ ცნობილი კრიტიკოს-პუბლიცისტი ხომლელი სწერს: „აკაკის შემოქმედებიანა ტრანლანტმა უქართველიოთ, აუჯანყებლათ, სისხლის დაულ-

ერვლათ ქართველთა ცხოვრებაში მოახდინა დიდი, ფას-  
დაუდებელი მშვიდობიანი რევოლუცია, რომლის მეოხე-  
ბითაჲ ძირს დაეცა ძველი, ქვეყნის ტახტზე ბრძანებელი  
წარმომადგენელი, ძველი დიდკაცური ენა, სიტყვა-პასუხი,  
რიტორები, კერპები, ჩვეულებანი, ადათები, ხასიათები  
და შესანიშნავმა მემკვიდრეობით, ჩამომავლობით არი-  
სტოკრატმა დიდმა ივერიელმა შექმნა და განახორციელა  
სრული, სპეტაკი უბრალოება, ალალ-მართლობა და ხალ-  
ხის ქემშარიტი დემოკრატიზმი“...

აკაკი საზრდოობს ხალხის სულიერი განძით და  
ჰქმნის საუცხოო ხელოვნურ მარგალიტებს და რამდენა-  
დაც ის ამ ბუნებრივ კალაპორტშია, იმდენათ ის ძლიერია  
ხელოვნებაში და რამდენადაც ის ამ კალაპორტ სცილდებ-  
ა, იმდენად სუსტი ხდება მხატვრობაში. დღეს უკვე ქე-  
შმარიტებაა, რომ „აკაკი ყველაზედ უფრო მიუახლოვდა  
ქართველი ერის შინაგან წმიდათა წმიდას, ჩასწვდა  
მის სიღრმეს და გამოიტანა იქიდან საუცხოო მარგალი-  
ტები. და შემდეგ კი ეს მარგალიტები გაალამაზა, გაამ-  
შვენიერა, გაატურთავა და გაასაბუტაკა, საუცხოო მუსი-  
კალურ პოეზიით გარდაქმნა და ხალხსავე უკან დაუბრუნა“.

საინტერესოა ვიცოდეთ, როგორი იყო აკაკი, ამ  
ნამდვილი პატრიოტის, მებედულობა კაცკასიაში მოსახლე  
სხვა ერებზე. არ რას სწერს იგი ამის შესახებ:

„მის არ ეთქმის აღამიანი, ვინც აღიარებს მარტო  
თავის ერს,  
და სხვა ტომებს კი ისე შეგუბრებს ჩასაყლაპავად  
როგორც მტერი მტერს...  
დაე სულ ყველამ იბედნიეროს, თვის სამშობლოში,  
თავის მხარეში,  
რომ შიშვე იყონ ერთი მეორის, და არა მონა, ყმა  
და ფარეში“.

მაშასადამე იგი ერთა სოლიდარობის საუკეთესო  
დამცველი ყოფილა.

აკაკის შემოქმედება უმთავრესათ ლირიკულია და  
ამ სფეროში, ლირიკაში, მან მიაღწია ხელოვნების მწვერ-  
ვალს. ყოველგვარ მხატვრობის დედაძარღვს ცოცხალი  
წარმოდგენა, მხატვრული ინტუიცია შეიდგენს. ამ მხრივ  
ჩვენი მგოსანი ლირიკაში პირდაპირ უნაკლო და შეუდა-  
რებელია. მისი „სალამური“ „სულიკო“ „აღმართ-აღმართ“  
თბამ ესტეტის საუცხოო ნიმუშებია. მან სისწორით  
შეასრულა შოთა რუსთაველის ანდერძი: თავინი იშვიათი  
პოეტური ნიჭის წყალობით ხალხის სულისკვეთება და  
იფაალი უარესათ ლირიულ ჩარჩოში ჩამოაყალიბა და  
ასე შექმნა „სალმთო საღმთოდ გასაგონი“.

აკაკის შემოქმედებას, მის პოეტურ მოღვაწეობას  
ჩვენი დემოკრატია მუდამ პატივისცემით და გულწრფელი  
შაღღობით შიახსენიებს. მის სხონას ამ დემოკრატიის  
გულში ეკავება სწორედ ის ადგილი, საცა მოკრძალებ  
გრანძობა—სიყვარული ზღაღობს. მაგრამ ჩვენ აკაკის პოე-  
ზიის სოკლე განხილვის დროს (იმდენათ, რამდენათაც ეს

დღევანდელ პირობებში შესაძლო იყო) არ ვხელომძენ-  
ლობდით აბსოლიუტური პრინციპით, ჩვენ ვიდექით ისტო-  
რიულ და შედარებით პრინციპზე მის შეფასებაში და  
დავინახეთ მასში თავის დროის დიდი „ნაროდნიკი“—  
დემოკრატია. ეს ნათლათ უნდა იქნას აღვნიშნული მით  
უმეტეს, რომ მისი პოეზია, და საერთოდ იმდროინდელი  
სიტყვა-კაზმული მწერლობა, იდეურათ ემყარებოდა მა-  
შინდელ პუბლიცისტიკას და აკაკის პოეზიის მოტივების  
ცნობით, ჩვენ ვგებულობთ, თუ როგორი იქნებოდა მისი  
შემოქმედების თეორიული საფუძველი. მაგრამ ისიც აშკა-  
რაა, რომ ჩვენთვის აკაკი ამ მხრივ უკვე წარსულს ეკუთვ-  
ნის. მის სოციალურ კონცეპციას ვერ დავეთანხმებით და  
დღეს იმით ვვლარც დავკმაყოფილებდით. იგი (კონცეპ-  
ცია) ირღვევა, ვეღარ უძლებს ცხოვრების კრიტიკას.  
კაპიტალიზმი ჩვენში ვითარდება და კლასთა ბრძოლაც  
უფრო მეტათ ჩაღდება. კლასური დაყოფა სიჩქარით  
სწარმოებს. ამ კაპიტალიზმის ზრდის ზეგავლენით გამო-  
წვეული კლასიური დიფერენციაციის გამოაშკარავება  
ლიტერატურაში უკვე სცადა 90-იან წლებში ეგნატე ნი-  
ნოშვილი. იგი ხიდი იყო ძველიდან ახალ ხანაზე გადმო-  
ღებული. მას შემდეგ გაცილებით წინ წაიწიეთ. პრო-  
ლეტარიატი ჩვენში, და მასთან ერთად მშრომელი დე-  
მოკრატია, საკუთარ კლასათ დაიარაზმა, რომელმაც საკუ-  
თარი ხელოვნების დროშა აღმართა. მაგრამ ეს კი უნდა  
ითქვას, რომ ამ ჩვენში პროლეტარული ხელოვნების გან-  
ვითარება ჯერ ვერ არის შეფარდებული თავისი სიდია-  
დით იმ თეორიულ მოძღვრებასთან, რომელსაც ჩვენში  
ასე მძლავრათ აქვს ფრთები გაშლილი. და ჩვენც მთელი  
ჩვენი ახალგაზრდული სულით ველით მომავალს, მომავალ  
პროლეტარულ მთლიან კულტურას, რომელიც ბოლოს  
უნდა გადიქცეს მთელი კაცობრიობის კულტურათ, მაგ-  
რამ რომელიც უნდა გაიზარდოს და გაძლიერდეს აწმყო-  
ში, კაპიტალისტურ ჩარჩოებში, ბოლოს სძლიოს ამ ბურ-  
ჟუაზიულ კულტურას და მის ნანგრევებზე აღმართოს  
თავისი იდეური და ნივთიერი გამარჯვების წითელი  
აღამი. ჩვენ გვწამს პროლეტარიატის ამ ბრწყინვალე  
მომავლის აუცილებლობა და ამ რწმენით ვათავებთ წე-  
რილს.

**არ. მექანარიშვილი.**

ისტორიული მატერიალიზმი და ფაქტორე-  
ბის თეორია.

**2. პარალელი ფაქტორების თეორიასა და ისტო-  
რიულ მატერიალიზმს შორის.**

ფაქტორების თეორია, უპირველეს ყოვლისა, მხო-  
ლოთ ერთი ტიპი არის ინდივიდუალურ-ფსიხოლოგიურ  
სკოლისა სოციალოგიაში. სოციალური კომპლექსები, ამ  
თეორიით, შედგება აღამიანის ბუნების სხვა და სხვა  
მხარეების გავლენისა, ანუ, როგორც პლუხანოვი ამბობს,  
„ფუნქციებია აღამიანის ბუნებისა“. ასე მაგ. სმა-ჰამის

საქიროება ჰქმნის ეკონომიურ მოვლენებს, სამართლიანობის გრძნობა—უფლებას და მორალს და სხვ. ამით ფაქტორების თეორია უახლოვდება იდეალისტურ შეხედულებას, რადგან ისტორიის მსვლელობაში პირვანდელ და უმთავრეს როლს მიაწერს ადამიანის ფსიხიკის და მის თვისებებს.

ეს ფსიხოლოგიური ინდივიდუალური მომენტი ფაქტორების თეორიის ყველა შტოსა და სახეს ახასიათებს, მაგრამ ამის შემდეგ ამ მოძღვრების თეორეტიკოსებს შორის, ცხადია, იწყება აზრთა სხვადასხვაობა; ადამიანის ბუნების მრავალი მხარე აქვს, ამისთვის ისტორიაში, ამ თეორიის აზრით, მრავალი ფაქტორი მოქმედობს; ზოგი ამა თუ იმ მოსაზრებით ერთს რომელიმე ფაქტორს მიაწერს უფრო მეტ მნიშვნელობას, ზოგი მეორეს—და ასე მოსალოდნელია მრავალი კომბინაცია. უმთავრესათ კი ამ თეორიის მომხრენი სამს ჯგუფათ იყოფიან: ერთი რიგი სოციოლოგთა რომელიმე ერთ ფაქტორს სთვლის სხვა ფაქტორებზე უფრო ძლიერ და მნიშვნელოვანათ; მეორე რიგი ყველა ფაქტორების „თანასწორობის“ მომხრეა; მათი როლი ისტორიაში, მათის აზრით, სწორი და დამოუკიდებელია, მხოლოდ ურთიერთი გავლენა არსებობს მათ შორის; არის კიდევ მესამე ჯგუფი, რომელიც ამ ფაქტორებს რაოდენობის მხრივ სხვა და სხვა მნიშვნელობას აწერს, და სცდილობს გამოარკვეოს და შეიმოხაზოს მათი „გავლენის სფერო“ ისტორიულ პროცესში.

ასეთს თეორიას ისტორიული მატერიალიზმი, რასაკვირველია, თვით საფუძველში არ ეთანხმება. ადამიანის ბუნების ამა თუ იმ თვისებით შეუძლებელია აიხსნას ისტორიული პროცესი; საზოგადოებრივ ცხოვრებას თავისი განსაკუთრებული წინაგანი კანონები და მსვლელობა აქვს; იგი ინდივიდის ცხოვრების კანონებით ვერ აიხსნება, თუმცა ადამიანთა მოქმედების ნაყოფი კი არის. ვერ აიხსნება ისე, როგორც არ შეიძლება ისტორიულ განვითარების გარკვევა ბიოლოგიურ კანონების საშუალებით. ის ფაქტი, რომ ისტორიაში ადამიანები მოქმედებენ, თავის თავად, საზოგადოებრივ კანონების გამოკვლევის დროს, არაფერსა ჰქსნის, პირიქით ადამიანის ბუნების ცვლა და განვითარება თვით უნდა იქნას ახსნილი სოციალურ პროცესის მიერ. ისტორია იღებს ადამიანს ბიოლოგიიდან და ფსიხოლოგიიდან. ისტორიული მატერიალიზმი ამა თუ იმ თვისების არსებობას კი არ არკვევს, არამედ მის ისტორიულ ცვლილებას და განვითარებას, ამ შემთხვევაში არ უნდა მოჰხდეს ბიოლოგიის და სოციოლოგიის საგანთა შერევა. ისტორიულ პროცესისათვის ადამიანის ბუნების თვისება, როგორც მავალითად ბუნებრივი მოთხოვნილების არსებობა, „მუდმივი, განსაზღვრული სიდიდე“ არის. (постоянная величина).

ამიტომ არის რომ ისტორიული მატერიალიზმი ანსხვავებს ეკონომიურ ინტერესს ეკონომიურ პირობებთან და არა უკანასკნელს სთვლის პირველს მიზეზათ და არა წინააღმდეგ.\*).

\* იხ. დისკუსია ბელგ.-ბაქისა და კაუცკის შორის.

ამის გარდა ფაქტორების თეორიის მეტაფიზიკურ მხარეს ისტორიული მატერიალიზმი დიალექტიკას უპირდაპირებს. ისტორიულ განვითარების ყოველ ხანაში ყველა მხარეები მის კომპლექსისა განსაზღვრულ საწარმოო ძალთა განვითარების საფუძვურ ეთანაბრება და არა რაღაც განყენებულ ადამიანის ბუნებას. ყოველად შეუძლებელია ამ ბუნების სხვა და სხვა მხარეების და აგრეთვე ისტორიულ პროცესის ნაწილთა აბსტრაქცია, მათი გამოყოფა საერთო მსვლელობიდან განსაკუთრებულ „არსად“ და თვისებად. ისტორიული პროცესი მთლიანი და სრული რამ არის, მასში მუდამ მოძრავი და თან ცვალებადი ადამიანი მოქმედებს.

სხვა და სხვანიართ ესმის ფაქტორების თეორიას და ისტორიულ მატერიალიზმს აგრეთვე ამ მთლიან პროცესის სხვა და სხვა მოვლენათა ურთიერთობის კანონები. ფაქტორების თეორიის მომხრისათვის არ არსებობს ამ სოციალურ მოვლენათა მონიზმი, ერთი სათავეს არსებობა, თუ კი იგი მათ შორის ურთიერთ-გავლენას (взаимодействие) სცნობს. მეორეს მხრივ თუ მონიზმი, ერთი სათავე, მაშინ შეუძლებელია ყოველი ურთიერთ-გავლენა და სხვა „ფაქტორების“ მნიშვნელობა. ან მონიზმი, ან ურთიერთ-გავლენა—ასე სვამს საკითხს ამ თეორიის მომხრე.

ისტორიულ მატერიალიზმისათვის ასეთი ან არ არსებობს. მონიზმი ისტორიული მატერიალიზმისა, ერთი სათავეს—საწარმოო ძალთა განვითარების უაღრესობა ისტორიაში, სრულიად არ უარყოფს სხვა „ზედ-ნაშენთა“ გავლენას და მათ წინაგან მწყობრ ცხოვრებას. სხვა მოვლენები სოციალურ განვითარებისა—„შემთხვევითი რამ კი არ არის, ისინი ერთ მთლიან პროცესის აუცილებელი პირობები და შედეგია არიან, როგორც საზოგადოათ, ისე ყოველ კონკრეტულ შემთხვევაში. „შემცდარი ის შეხედულება, ამბობს ლაბრიოლა, თითქოს ისტორიული მატერიალიზმი მისიწრაფოდეს გამოაშკარავოს მხოლოდ „ეკონომიური მომენტი“, დანარჩენს კი, როგორც უვარგის ჩერებს, რომელშიაც ადამიანები რაღაც კაპრიზის გამო ირთვებიან,—უარჰყოფდეს და უფსურად-ლებთა სტოვებდეს“.

სხვა და სხვა მოვლენათა ამ ურთიერთ-გავლენის გარკვევის დროს ფაქტორების თეორიის მომხრისათვის საჭიროა სხვა და სხვა ფაქტორების მნიშვნელობის რაოდენობითი განსაზღვრა; ამაში საუკეთესოთ მოსჩანს მეტაფიზიკური ხასიათი ამ თეორიისა, რომელსაც ვერ შეუთვისებია ისტორიის განვითარება, მისი დიალექტიკა. ასეთი საჭიროება, ცხადია, ისტორიულ მატერიალიზმისათვის არ არსებობს... მართალია საწარმოო ძალთა განვითარება „საბოლოოთ“ განსაზღვრავს საზოგადოების სხვა მხარეების ცვლას, მაგრამ ეს „ეკონომიურ ფაქტორის“ რაოდენობით სიდიდეს კი არ ნიშნავს. ეკონომიურის პირობები თვით ჰქმნიან „ზედ-ნაშენთა“ მთავრ გავლენის საზღვარსა და მიმართულებას, და ეს ქმნალობა ამავე ეკონომიურ მიზეზების გამო ყოველს კონკრეტულ



შემთხვევაში შეიძლება სხვა და სხვა იყვეს. „ხედ-ნაშენ-თა“ ეკონომიურ პირობებზე პირუკუღმა გავლენა ისტორიის და კერძოთ თვით ეკონომიურ განვითარების აუცილებელი პირობაა. ეს ურთიერთ-გავლენა პროცესი არის და არა მუდმივად განსაზღვრული და ჩამოყალიბებული რამ.

არის კიდევ ერთი უმთავრესი მხარე ფაქტორების თეორიისა, რომელიც მას ისტორიულ მატერიალიზმისაგან ანსხვავებს. ფაქტორების თეორიას საფუძვლათ უდევს ცნობა გარეშე პირველ მამოძრავებელ ძალისა. (Внешний перводвигатель), საზოგადოებრივ ცხოვრებას, ამ მოძღვრების აზრით, არ ძალუძს თავის შინაგან აუცილებლობით განვითარება, იგი მამოძრავებელი მუდამ რომელიმე გარეშე ფაქტორს მოჰყავს, იქნება ეს ფსიხოლოგიური ბუნება ადამიანისა, გეოგრაფიული მდებარეობა, თუ რაიმე ბიოლოგიური ან ეკონომიური კანონი. („მცხოვრებთა ზრდა“ მაქ. კოვალევსკის მოძღვრებაში).

მარქსიზმი უარყოფს ასეთ გარეშე ძალას, გარეშე პირობებს მხოლოდ პირელ-გავლენის როლს აწერს; შემდეგში საზოგადოება თვით ვითარდება თავისი შინაგანი აუცილებლობით;—ეს უმთავრესი დებულებაა მარქსიზმისა. „რაკი განსაკუთრებული საზოგადოებრივი განწყობილებანი წარმოიშვენ, ამბობს პლენანოვი, შემდეგი მათი განვითარება თავის შინაგან კანონების მიხედვით ჰხდება“.

მაგრამ თვით მარქსისტებშიაც არიან ისეთნი, რომლებიც გარეშე მამოძრავებელ ძალის არსებობას იზიარებენ და ამით ფაქტორების თეორიას უახლოვდებიან. მაგ. კელეს-კრაუზი, მასლოვი და სხვ. „ადამიანის ბუნების უმთავრესი თვისებაა, ამბობს კელეს-კრაუზი, რაც შეიძლება ნაკლები ენერჯის დახარჯვით, რაც შეიძლება მეტი ნაყოფი მიიღოს. ამ თვისების გავლენით (ხაზი ჩვენია), ინტენსიურ შრომის ნაყოფიერებისაგან მისწრაფების მოვებით—შეუჩერებლივ ვითარდებიან საწარმოო იარაღები.“\*) თითქმის ამასვე იმეორებს პ. მასლოვი.

ამის შესახებ იგივე შეგვიძლია ვსთქვათ, რაც ფაქტორების თეორიის განხილვის დროს. მართალია ეს მისწრაფება, როგორც ერთგვარი უცვლელი ფაქტი, თან ახლავს საწარმოო იარაღის ყოველ გაუმჯობესებას, რადგან ყოველ ამ შემთხვევაში ადამიანი მოქმედობს მთელ თავისი თვისებებით და „ნიჭით“; მაგრამ ეს „მუდმივი ფაქტორი“ სრულიებით ვერ ხსნის ისტორიულ განვითარების სხვა და სხვაობას; ეკონომიური კანონი „უცვლელი სიდიდეა“ (постоянная величина) და არა მამოძრავებელი ძალა, როგორც საწარმოო ძალები. კელეს-კრაუზი და პ. მასლოვი ამით ვერ აფასებენ სათანადოდ საზოგადოების განვითარების შინაგანობას.

ამანიართ ფაქტორების თეორიისა და ისტორიულ მატერიალიზმს შორის მთელი უფსკრული არის; მაგრამ ჩვენ ხშირათ ვამჩნევთ ამ ორი მოძღვრების შერევას;

ხშირათ ურევენ ერთმანეთში ისტორიულ მატერიალიზმს და ეკონომიურ ფაქტორის თეორიას, რომელიც მხოლოდ ერთი სახეა ფაქტორების თეორიისა. უკეთ რომ ავხსნათ ისტორიულ მატერიალიზმში, როგორც ყოველივე რთულ მოძღვრებაში, არის მის მარტივათ, მეტად ვულგარულათ გაგების საფრთხე; გამარტივების დროს იგი ხშირათ უახლოვდება ფაქტორების თეორიას. ამისთვის ებრძოდა ასე ცხარეთ პლენანოვი ისტორიულ მატერიალიზმის ეკონომიურ მატერიალიზმთ მონათვლას—მას სურდა თვით სახელითაც გამოეჩნულიყო ფაქტორების თეორიისაგან.

ადვილი წარმოსადგენია აქედან რისთვის არის თვით მარქსისტებს შორის ხშირი ისტორიულ მატერიალიზმის ვულგარიზაცია. ამ მხრივ მარქსისტებში ისტორიულ მატერიალიზმის ორი სახე იბრძვის.

როგორც ვიცით მარქსის მეთოდი უმთავრესათ არის მოძღვება საზოგადოებრივ ცხოვრების სხვა და სხვა ელემენტების ურთიერთობის შესახებ, მოძღვრება „ბაზისის“—ეკონომიურ ვითარების და „ხედ-ნაშენის“ (პოლიტიკური ფორმა, უფლება, ფსიხიკა, იდეოლოგია და სხვ.) ურთიერთ-კავშირზე. და ამ „ბაზისისა“ და „ხედ-ნაშენის“ დამოკიდებულების გაგებაში ორმა მიმდინარეობამ იჩინა თავი. ერთი მათგანი ძლიერ უახლოვდება ფაქტორების თეორიას. მისი აზრით სოციალურ პროცესის „ფაქტორები“ ორ, უმთავრეს და მეორე-ხარისხოვან ნაწილათ იყოფა. უმთავრესი ფაქტორი არის ეკონომიური ურთიერთობა; სხვები ან მისი შედეგია (პოლ. ფორმა და სხვ.), ან მისი უბრალო ანარეკლი („იდეოლოგია“). ამ თეორიას შეიძლება ვუწოდოთ „ბაზისისა და ხედ-ნაშენის წინასწარ-მიღებულ ჰარმონიის თეორია“. (Теория о предустановленной гармонии базиса и надстройки).

ისტორიულ-მატერიალიზმის ასეთ მარტივ განმარტების წინააღმდეგ ილაშქრებდენ საუკეთესო თეორეტიკოსები მარქსიზმისა. ამ თეორიის მომხრენი, როგორც მაგ. შულიატიკოვი, ფრჩხელა და სხვ., დათურთ სამსახურს უწევდენ ისტორიულ მატერიალიზმს; რასაკვირველია ამ სახის „ისტორიულ მატერიალიზმის“ წინააღმდეგ გალაშქრება უფრო ადვილი და მოსახერხებელი ჰხდებოდა. „ეს ისე არის დაწერილი, რომ გვებადება კითხვა, ხომ არ ხუმრობს შულიატიკოვი?—ამბობს პლენანოვი შულიატიკოსის წიგნის შესახებ („Оправдание капитализма в Зап.-Евр. философии“).—შეიძლება ის მარქსიზმის პაროდიას სწერს? როგორც პაროდია მისი წიგნი ბოროტათ და ნიჭიერათ არის დაწერილი, თუმცა, რასაკვირველია, უსაფუძვლოა.“\*). იდეოლოგია ამ მარქსისტებისთვის უხეშ მატერიალურ ინტერესების დამალვა არის; ამისთვის უწოდა მათ მეთოდს ლუნაჩარსკიმ „წინასწარ მოფიქრებულ ტყუილის გამაომაკრავების მეთოდი“ („Методъ разоблачения заведомой лжи“).

ისტორიულ მატერიალიზმის მეორე თეორიით საზოგადოება რთული და მოძრავი რამ არის; რაც დღეს

\*) об. Келлесъ-Краузы. „Что такое экономический материализм?“.

\*) об. Плехановъ. „Отъ обороны къ нападенію“.

მიზეზია იგი შეიძლება ხვალ თვით იქცეს შედეგათ, და შედეგი მიზეზათ. ამ საზოგადოებრივ ცხოვრების ყველა მხარე გავლენას ახდენს დანარჩენ მხარეებზე. თუ ეკონომიური ურთიერთობა ჰქმნის პოლიტიკურ და სხვ., „ზედ-ნაშენს“, შემდეგ ეს „ზედ-ნაშენი“, როგორც ზევითაც აღნიშნეთ, თვით ახდენს გავლენას ამ ეკონომიურ ურთიერთობაზე. ყოველ „ზედ-ნაშენს“ თავისი შინაგანი, მწყობრი და კანონებრივი განვითარება აქვს და საწარმოვო ძალების მიერ მხოლოდ „საბოლოათ“ ითუ განისაზღვრება. ამ თეორიას შეიძლება ვუწოდოთ „ზედ ნაშენის შედარებითი დამოუკიდებლობის თეორია“ (Теория относительной самостоятельности надстройки). ამ თეორიას იზიარებდენ საუკეთესო თეორეტიკოსები მარქსიზმისა: ანგელსი, კაუცკი, პლენხანივი, ლაბრიოლა და სხვა.

თუ პირველი თეორიით ისტორიულ ცხოვრების ახსნა მეტად მარტივ ფორმებს იღებს, მეორეს დროს იგი დიდ სიძნელეს წარმოადგენს; მაგრამ მოხმარების სიძნელე ვერ უარპყოვს მის სიმართლეს. პირველ თეორიის მიხედვით ყოველ მოვლენას უნდა ჩამოვაცილოთ მეტ-ხორცები და ზედ ეკონომიური „ნიშანი“ დავსავთ;—ამით საქმე გათავებული იქნება. მაგრამ, ცხადია, ნამდვილ მარქსისტისათვის ისტორიის ახსნის დროს მარტო ეს არ კმარა; ყოველი მოვლენა გერ ერთი განხილულ უნდა იქნას საერთო მოვლენათა რიგში, იგი არ უნდა მოვსწესიტოთ საერთო საზოგადოებრივ შინაგან განვითარებას. ისტორიული მატერიალიზმი სოციოლოგიაში ითუ საზოგადოებრივ ცხოვრების საერთო კანონებს ეძიებს, ისტორიის ყოველ კონკრეტულ შემთხვევისათვის იგი უპირველეს ყოვლისა კვლევის მეთოდი არის. ამისთვის საერთო განხილვის გარდა უნდა შესწავილოთ იქნას ყოველ მოვლენის მრავალმხრივობა, მისი თავისებურება, რადგან იგი მხოლოდ ერთხელ ჰხდება ისტორიის მსვლელობაში. არ კმარა მხოლოდ ეკონომიურ „ნიშანის“ დაკრება, არ კმარა აღნიშვნა სხვა და სხვა ელემენტების ურთიერთგავლენისა, უნდა გამოამკარავებულ იქნას ხასიათი და საშუალება ამ ურთიერთობისა; ისტორიის შინაგან მიზეზობრივ განვითარების გარდა გარკვეულ უნდა იქნას ყოველი „ზედ-ნაშენის“ საკუთარი სახე, მისი შინაგანი ცხოვრება და მარტივი ელემენტები.

ასეთია ნამდვილი შეურყენელი სახე ისტორიულ მატერიალიზმისა.

ჩვენი წერილის უმთავრესი მიზანი იყო სინათლე მოგვეფინა ისტორიულ მატერიალიზმის ზოგიერთ მხარეებსათვის, რომლებიც ხშირათ ბნელში არიან დარჩენილნი; ამისთვის ჩვენ ვამჯობინეთ მისი ფაქტორების თეორიასთან შედარება.

საზოგადოათ, უნდა ითქვას, რომ ამ სფეროში მეცნიერულ ლიტერატურაში ბევრ გაუგებრობას ჰქონდა ადგილი. ასე მაგ. სოც.-რევოლუციონერები, თუ კი ეხებოდნენ ამ საკითხს, ჩვენს თეორიას იდეოლოგიის მნიშვნელობის უარყოფას და „მოუხეშებ მატერიალიზმს“ უკიცი-

ნებენ. ჩვენ დავინახეთ, რომ ისტორიულ მატერიალიზმისათვის იდეოლოგია, როგორც საზოგადოათ ყოველი „ზედ-ნაშენი“, უმნიშვნელო და „შემთხვევითი“ რამ კი არ არის; მას აქვს თავისი შინაგანი განვითარება, იგი თვით ახდენს გავლენას ისტორიულ პროცესის სხვა მხარეებზე და ამისთვის აქტიურ ელემენტათ ჩაითვლება.

რაც შეეხება სოც.-რევოლუციონერების საკუთარ მრწამსს, ისინი საზოგადოათ ისტორიის კოდნის თეორიაში გარკვეულ გზას არ დასდგომიან. მაგრამ რამდენადაც გაერკენენ—ძალიან ახლო სდგანან ფაქტორების თეორიასთან. ისინი ახდენენ „სინთეზს“ იდეალისტურ და მატერიალისტურ შეხედულებათ; ისტორია მათთვის უმთავრესათ ეკონომიურ და ფსიქოლოგიურ ფაქტორების ურთიერთობაა, მაგრამ, როგორც ეს ხშირათ ჰხდება. „სინთეზის“ და შესაბამების მაგიერ, ეკლექტიზმს და შერევის ვიღებთ.

ბოლოს მინდა ვსთქვა, რომ ისტორიული მატერიალიზმი, მიუხედავთ „შინაგან და გარეგან კრიზისებისა“(!), მიუხედავთ მრავალ რევოლუციის ქარტეხილისა—შეურყვევლი რჩება; მოწინააღმდეგებთა ვერ შექმნეს მასავით რეალური და მასთან მთლიანი და სრული თეორია ისტორიის კოდნისა. ამას, სხვათა შორის, ის ფაქტივ ამტკიცებს, რომ მრავალმა ბურჟუაზიულმა ისტორიკოსმა ითუ სოციოლოგმა მის წინაშე ქელი მოიხარა.

**მიზნა რამიშვილი.**

**რუსეთის სინამდვილე, ბალშევიზმი და მარქსიზმი.**

ბალშევიციები სცილობენ დაამტკიცონ, რომ ოქტომბრის გადატრიალების შემდეგ რუსეთში სოციალური რევოლუცია დაიწყო. ლენ ნი აცხადებს: „ეხლავე უნდა მივყოთ ხელი პროლეტარულ, სოციალისტური საზოგადოების შენებას“.

იგივე ლენინი გლენთა ყრილობაზე გაიძახის: „რუსეთის რევოლუციათ სავი ხანა ხანა გავნო: რესპუბლიკანურ-ბურჟუაზიული, შემათანხმებელი და ეხლა სოციალისტური რევოლუცია დაიწყო. ჩვენ ვწყვეტთ არა მიწის საკითხს, არამედ სოციალურ რევოლუციის საკითხს და ამიტომ გლენთა ყრილობათ მხარი უნდა დაუჭიროს 25 ოქტ. რევოლუციას, როგორც სოციალისტურ რევოლუციას“.

ის ეუბნება ხალხს: „აიღეთ მიწა, პური, ქარხნები, ფაბრიკები, იარაღები, პროდუქტები, ტრანსპორტი; ყველაფერი თქვენი, საზოგადოებრივი იქნება“.

„საბუკების მიერ ხელში ძალა უფლების ჩაგდება, არის სოციალისტურ წყობილებაში გადასვ-

ლა“, ამბობს ტროცკი ც. აღ. კ. სხდომაზე. ნ. ბუ-  
ხარინი და სხვები, თავიანთ გაზეთებში ამტკიცებენ,  
რომ რუსეთი სოციალისტური რევოლუციის მო-  
სახდენათ მომზადებულია, და იგი უკვე დაიწყო.

მართალია ყოველივე ეს? არის თუ არა რუ-  
სეთის მიმდინარე რევოლუცია სოციალისტური  
და მომზადებულია თუ არა ობიექტიური და სუ-  
ბიექტიური პირობები ამისთვის?

„კომუნ. მანიფ.“ კ. მარქსი ამბობს, რომ პრო-  
ლეტარული მოძრაობა უნდა იყვეს დამოუკიდებელ  
მოძრაობათ დიდი უმრავლესობისა ამავე უმრავლეს-  
ობის სასარგებლოდ. აგრეთვე ჩვენ, მარქსისტები,  
სად სოციალისტურ იდეების მატარებლათ მხოლოდ  
პროლეტარიატს ვთვლით. გვაქვს კი ჩვენ საქმე  
ცხლა მუშათა კლასის, პროლეტარიატის უმრავლეს-  
ობის მოძრაობასთან?

სპექტატორი თავის ერთ წერილში („Ленин-  
ский бредъ“), რომელიც „ვერეილი“-ს № 222-ში  
იყო მოთავსებული, ამბობს: „1917 წლის დასა-  
წყისში რუსეთში მცხოვრებთა რიცხვი უდრიდა  
170 მილ. სულს (პოლონეთა გარდა). 1897  
წლის აღწერით საფაბრიკო-საქარხნო მრეწველობაში  
ითვლებოდა 17,9% მუშებისა. ამის შემდეგ 1909  
წლამდის საფაბრიკო-საქარხნო და სამთა-მადნო  
მრეწველობაში მუშათა რიცხვმა იმატა 32%-მდე.  
მუშათა რიცხვი იმ დაწესებულებებში, რომლებიც  
ექვემდებარებიან საფაბრიკო ინსპექციებს, გაიზარდა  
26% 1909—1913 წ. წ. და ამის დროს კი 7%  
თუ დაუშვებთ, რომ ასეთი ზრდა ხდებოდა  
მთელ რუსეთის სივრცეზე ყველა საფაბრიკო-საქარ-  
ხნო კატეგორიებში, მაშინ ასეთ მუშათა რიცხვი  
იქნებოდა 3628 ათასი და მტრის მიერ დაკავებულ  
ადგილების გამოკლებით კი 3 მილიონი.

სხვა სიტყვებით: სამრეწველო პროლეტარიატი  
შეადგენს მთელ მცხოვრებთა  $\frac{1}{15}$  ნაწილს.

ამასთან ერთათ უნდა ვიფიქროთ, რომ სოფ-  
ლის პროლეტარიატია არ ხდება ისეთი სიჩქარით,  
როგორც ქალაქის. მაგრამ თუ დაუშვებთ, რომ  
მუშათა რიცხვი 1867 წლიდან გაიზარდა 60%,  
მაშინ რუსეთში ჩვენ (უპოლონეთოდ) მივიღებთ  
9,8 მილიონ მუშას. მოსამსახურეთა რიცხვი რომ  
60% გაიზარდა ამის მტკიცებას არავინ არ და-  
წყებს. ჩვენ ვფიქრობთ ეს ზრდაა 25%<sup>1</sup>. მაშინ ჩვენ  
მივიღებთ სერთო რიცხვს მუშებისა და მოსამსახუ-  
რეებისა—12 მილიონს.

ამას გარდა თვითეულ ოჯახზე რომ 3—4 სუ-  
ლი იყოს (წელი საფიქრებელია, მრავალი მუშა  
სტოკოლში იყო და თანაც ოჯახის რამდენიმე წევრი  
მუშაობს ფაბრიკა-ქარხნებში. თუ ვიანგარიშებთ  
რომ თვითეულ მუშას 2—3 წევრი ყავს სარჩინი,  
მაშინ მივიღებთ 41—45 მილიონ მუშას, რაც შე-  
ადგენს მთელ რუსეთის მცხოვრებთა  $\frac{1}{4}$ -ს. სხვა სი-  
ტყვებით: უკეთეს შემთხვევაში მუშები შეადგენენ  
25% რუსეთის მთელ მცხოვრებთა“.

ყოველივე ეს ნათლად ამტკიცებს, რომ რუსე-  
თის სამეურნეო (земледельческая) გლეხური, წვრილ-  
ბურჟუაზიული ქვეყანაა. მარქსიზმი გვასწავლის,  
რომ ყოველი სოციალური წყობილება ადგენს  
უთმობს ახალ საზოგადოებრივ ურთიერთობას მხო-  
ლოდ მაშინ, როცა პირველი მთელი თავისი ში-  
ნაარსით ჟამს მოსჭამს და თანდაყოლილ ტენდენ-  
ციას მაქსიმუმამდის განავითარებს. ობიექტიურ პი-  
რობების სიმწიფე, რომელიც აუცილებელია სო-  
ციალისტურ გარდაქმნისათვის, ვაჭრობა მრეწვე-  
ლობის აყვავება, საწარმოო ძალთა უაღრესი გან-  
ვითარება, კაპიტალის კონცენტრაცია, კლასთა დი-  
ფერენციაცია, როცა პროლეტარიატი და გადატა-  
კებული გლეხკაცობა უმრავლესობა იქნება და კლას-  
სობრივი ანტაგონიზმიც მიღწევს უმაღლეს საფე-  
ფეხურს თავის განვითარებისა, რუსეთში არ არის,  
რაც ცოტადენათ ნათელ ჰყო ზემო მოყვანილმა  
სტატისტიკურმა ცნობამ.

ვიმეორებ რუსეთის ახასიათებს ეკონომიური  
ჩამორჩენა, კარგი ტენიკური აპარატის უქონლო-  
ბა. მაშასადამე თუ სუსტი განვითარება კაპიტალი-  
ზმისა რუსეთში უარჰყოფს ობიექტიურ პირობების  
სიმწიფის შესაძლებლობას სოციალიზმის დასამყა-  
რებლათ, არც სუბიექტიური პირობები შეიძლება  
იყვეს მომზადებული.

სუბიექტიური პირობები კი შეიცავს მრავალ-  
რიცხოვან მუშათა კლასის მომზადება-შეგნებას და  
კულტურულათ განვითარებას, ძლიერი პროფესიო-  
ნალური და პოლიტიკური ორგანიზაციების ქონას  
და ხანგრძლივ გამოკიდობება-გაწრთვნას პოლიტი-  
კურ და ეკონომიურ ბრძოლაში.

ახასიათდება ყოველივე ამით რუსეთის მუშათა  
კლასი? არა. ერთი რომ მუშათა კლასი აქ, რო-  
გორც ზემოთ დაგინახეთ, უმცირესობას შეადგენს,  
მეორე—მისი ეკონომიური ორგანიზაციები გაჩდენ  
რამდენიმე თვის წინათ და ღია პოლიტიკურ ბრძო-

ლაში კი ის თებერვლის რიცხვებიდან მონაწილეობს. რუსეთის მუშ. კლასს აკლია მომწიფება, განვითარება, ორგანიზაციულათ შეკავშირება და პოლიტიკურ-ეკონომიურ ბრძოლაში გაწვრთნა-დახელოვნება. ამასთანავე, მისი უმრავლესობა, ომის წყალობით, შესდგება შემთხვევით, დროებით ელემენტებისაგან, რომლებიც ორგანიულათ წინააღმდეგნი არიან პროლეტარიატის კლასიურ შეხედულება-მოდერნიზაციისა. „ყველა ეს „უჩოტნიკები“, გუშინდელი გლეხები, მეღუჭნეები ან მეწვოვები, ამბობს ვ. ბაზაროვი, არ არიან მომზადებული არამც თუ სოციალისტურ დიქტატურის განსახორციელებლათ, არამედ როგორც ბრძოლის საწარმოებლათაც კაპიტალიზმის დროსაც კი. თვლიან რა თავს ხანმოკლე სტუმრებათ ფაბრიკა ქარხნებისა, ისინი სრულებით არ არიან დაინტერესებულნი რუსეთის მრეწველობის მომავლით და გულგრილათ უყურებენ მის შემდეგ განვითარების პერსპექტივებს. მათი დევიზია — მოხერხებული სარგებლობა ხელსაყრელ დროთი, რომ თავიანთ წინანდელ მუშაობას არ დაუბრუნდენ ხელცარიელი“.

რუსეთის არსებულ რევოლიუციის მამოძრავებელ ძალების და რუსეთის სინამდვილის ამ ზერელე ანალიზით, ჩვენ დავინახეთ, რომ რუსეთი ჩამორჩენილი ქვეყანაა, კაპიტალიზმი აქ განუვითარებელია; რუსეთის საზოგადოებრივი ცხოვრების განვითარების ამ საფეხურზე სოციალიზმის დამყარებაზე ფიქრი და მით უმეტეს ამის ცდა მარქსიზმის ძირითადი დებულებების უკუღმდება. ასეთი უტოპიური აზრებით ვატაკება ანარქისტების და ბლანკისტების დამახასიათებელი თვისებაა, რომლებიც შეთქმულობით, სკდილობდენ სოციალური რევოლიუციის მოხდენას და გაიძახოდენ ის (სოც. რევ.) ისპანია-იტალიაში დიწყება და შემდეგ დაწინაურებულ ქვეყნებში გადავაო.

ვისგან შესდგება ბალშევიკების ეხლანდელი მიმდევრები ადვილი ვსაგებია. ჯარს უნდოდა დაუყონებლივი ზავი და გლეხებს მიწა. ეს სამართლიანი მოთხოვნები ვერც ერთმა დრ. მთავრობებმა ვერ დააკმაყოფილა. აქედან იწყება ზრდა მასის უკმაყოფილებისა და ბალშევიკებმაც ისარგებლეს ამით. და აი ჯარის 3/4 მეტი და შუა რუსეთის (ველიკოროსები) მუშები და გლეხები შეფურცელათ აყვა მათ. „ის აღფრთოვანება, რომლითაც გლეხები ხედებიან მთელ მიწა-ადგილების კომიტეტების

ხელში გადასვლას, იმას კი არ ნიშნავს რომ გლეხები სოციალისტები არიან, არამედ—მათ სურთ თავიანთ საკუთრებას კიდევ რამდენიმე დესიატინა მიუმატონ და ის შემოფარვლონ. მაგრამ ასეთი წვრილ-ბურჟუაზიული სურვილი ისე შორსაა სოციალიზმისაგან, როგორც ცა დედამიწისაგან“. (იხ. „ნ. ე.“ სტატია ვოლსკისა).

ის პოლიტიკური პარტია, რომლის დიდ უმრავლესობას ჯარისკაცები შეადგენს, ვერ იქნება წმინდა კლასობრივი მუშათა მოძრაობის გამომხატველი. კიდევ მეტი, ის წვრილ ბურჟუაზიულ მოძრაობის მატარებელია და მის პროლეტ. კლასობრივ მოძრაობასთან საერთო არაფერი აქვს. მათი დეკრეტო „მუშათა კანტროლის„ შესახებ ამტკიცებს იმას, რომ ბალშევიკთა დიქტატურა არის დიქტატურა ხალხის ანარქისტულ-მეშინაურ ნაწილისა. „მუშათა კანტროლი წარმოების მოწესრიგების სახელმწიფოს ხელში აუღებლათ, ამბობს ვ. ბაზაროვი, არის საშუალება პროლეტარიატის არა სოციალისტურათ აღსაზრდელათ, არამედ რეაქციონური საშუალება, რომელიც ანელებს—აჩლუნგებს მის კლასობრივ ბრძოლას; მუშათა კანტროლი საერთო სახელმწიფოებრივ მასშტაბში არის ცარიელი, უშინაარსო ფრაზა. საერთო სახელმწიფოებრივ მასშტაბში არა მუშათა კანტროლის დაწესება, არამედ წარმოების მოწესრიგება. წინააღმდეგ შემთხვევაში მუშათა კანტროლი სოლიდარობას კი არა, არამედ ეგოისტურ-მეშინურ ლტოლივლებებს დაბადებს მუშებს შორის“.

ასეთივე დამლუჯველი შედეგი მოჰყვა მათ საზავო მოლაპარაკების პოლიტიკას. ასეთივე არეულარევა შეიტანა რუსეთში ყველა მათმა ნაბიჯებმა, დეკრეტებმა.

ჩვენი მასწავლებელი კ. მარქსი შემდგენიარათ ახასიათებს ასეთ ჯგუფთა მიდრეკილება-მოქმედებას; „შეთქმულებს უნდათ რევოლიუციონური პროცესი ხელოვნურათ დააჩქარონ, ხელოვნურათ გამოიწვიონ მისი კრიზისი და ადრე მოახდინონ ის. რევოლიუციის მოსახდენათ მათთვის საჭიროა მხოლოდ შეთქმულობის მოხდენა...“

...ყუმბარები; ჯოჯოხეთის მანქანები, „ბუნტი“ და სხვა ამგვარი რამ მათი აზრით ერთად ერთი საშუალებაა რევოლიუციონურ სასწაულის მოსახდენათ. ასეთი აზრით ვატაკებულებს მათ მხოლოდ ახლობელი მიხანი აქვთ სახეში, სათანადო მთავრობის ჩამოგდება და ამავე დროს ზიზლით

უპურებენ მუშათა თეორიულ განვითარებას და მათში კლასობრივ ინტერესების გალიძებას“.

„კრიტიკულ შეხედულებების მაგიერ უმცირესობა დოგმატიურ შეხედულებას აყენებს-მატერიალისტურის მაგიერ იდეალისტურს. რევოლუციის მამოძრავებელი ძალა მათთვის მხოლოდ წებაა. ჩვენ ვეუბნებით მუშებს: 18, 20, 50 წელს უნდა ვასწოთ შინაური და საერთაშორისო ომი, არა მარტო იმიტომ, რომ შესცვალათ გარეგანი პირობები, არამედ იმიტომ, რომ შესცვალათ თვისი თავი, რათა შესძლოთ პოლიტიკურ ბატონობის მოპოება; თქვენ კი წინააღმდეგ ამბობთ: ჩვენ ეხლავე ხელში უნდა ჩავიგდოთ ძალა-უფლება, წინააღმდეგ შემთხვევაში ჩვენ დავიძინებთ. იმ დროს როდესაც ჩვენ ვუჩვენებთ სპეციალურათ გერმანელ მუშებს, რომ გერმ. პროლეტ. არ არის განვითარებული, თქვენ პირმოთნეთ იქცევით, რაც თქვენ პოპულიარობას რასაკვირველია ხელს უწყობს. როგორც დემოკრატებმა სიტყვა ხალხი, რაღაც ღვთაებრივ სიტყვათ გადაქცოეს, ისე იქცევით თქვენ სიტყვა პროლეტარიატის შესახებ. დემოკრატებით თქვენ გინდათ რევოლუციონურ განვითარების მაგიერ რევოლუციონური ფრაზები გასაღოთ“. ყოველივე სიტყვა ამ გრძელ ამონაწერისა სწორათ სცემს ბალშევიკებს, რომელთაც ბევრი მოურყცხელი დანაშაული და ცოდვები მიუძღვის მუშათა კლასის წინაშე.

ერთად-ერთი ამ მდგომარეობიდან გამოსასვლელი გზა ბალშევიკთა მიმდევარ მასის გამოფხიზლება (отрезвление) და შეგნება, რომ ბალშევიზმი ასცდა მარქსისტულ-ინტერნაციონალურ გზას, და ბალშევიზმსა და მეცნიერულ სოციალიზმს შორს საერთო არაფერი არის.

გიორგი მგელაძე.

# კოოპერაცია და ქართველი ს.-ფედერალისტები.

## IV.

### მარქსიზმი და კოოპერაცია.

„გუმბათზე კაკალი არ დადგებაო“ ამბობს ანდაზა.

ჩვენც გაუშინჯოთ კბლი ფედერალისტთა ბრალდებას! შეიძლება თუ არა სოც.-დემოკრატები იყვენ მტერი კოოპერაციისა? ორიგინალური კი-

თხეა! წარმოიდგინეთ სოც.-დემოკრატია, ეს კერძო პროლეტარიატის და, საზოგადოთ, დემოკრატის პარტია, დაუძინებელ მტრათ კოოპერაციისა, რომლის მიზანია სწორეთ ამ მუშათა და საზოგადოთ დემოკრატის ყოველდღიურ ქირ-ვარამის შემსუბუქება.

მაგრამ იქნებ სოც.-დემოკრატისა, როგორც ბ-ნი თ. ლლონტი ბსანებს, „მარქსის თეორიის სილიადისათვის“ დასჭირდა კოოპერაციის მოსპობა—განადგურება?—ჯერ ერთი მარქსისტები ფანატიკოსები არ არიან და მეორეც. ვნახოთ, საჭიროა თუ არა, ასეც რომ იყოს, კოოპერაციის განადგურება „მარქსიზმის სილიადისათვის“? მოვავლიათ ფედერალისტთა შეხედულება ამ საკითხზე, მათი ერთთ ერთი მძიმე არტილერია. „...როდესაც მარქსისტი კოოპერატორობს, მარქსიზმს ღალატობს; როდესაც იგი მარქსიზმს იცავს, კოოპერაციას ღალატობს; კოოპერაცია, როგორც თავის საბოლოო მიზნით, ისე მახლობელი პრაქტიკული საქმიანობით საფუძველშივე ეწინააღმდეგება მარქსიზმს“ („ზვირთი“ № 52, 1916 წ. „მოუსვენარის“ წერილი). რას ნიშნავს ეს? ფედერალისტები ვანციკურებაში მოჰყავს დასვლთა პრეტენზიებს: ჩვენ მტერი კი არა პირველი მოყვარე ვართ კოოპერაციისა როგორც. ამბობენ ისინი, მასიური პროლეტარიაცია მარქსისტებს მიაჩნიათ აუცილებელ და პროგრესიულ მოვლენათ, კოოპერაცია კი თავის წვერთა მოლონიერება-გაძლიერებით ხელს უშლის პროლეტარიაციას. აქედან თ. ლლონტის თქმით, მარქსისტებმა ორში ერთი უნდა აირჩიონ: „ან უნდა უარყონ ძველი დოგმა პროლეტარიაციის შესახებ, ან უნდა დაგმონ კოოპერაცია“ („სახ. ფურც.“ № 695) აქ ფედერალისტები იგიწყებენ ერთ გარემოებას: მარქსისტებს კოოპერაცია მიაჩნიათ დროებით ზომათ, ხოლო ვერავითარ დროებით ზომებს, მარქსისტთა აზრით, ვერ შეუძლია პროლეტარიაციის შეჩერება. აქედან მარქსისტები ბრმა ფანატიკოსებიც რომ იყვენ, არ შეიძლება მტრობდენ კოოპერაციას. მოყვრობა კი მარქსისტთათვის სავალდებულოა, ვინაიდან სოც.-დემ. პრაქტიკული პარტიაა; მის სწავს რეფორმები, მუშათა კლასის მდგომარეობის გაუმჯობესების შესაძლებლობა დღევანდელ საზოგადოების ჩარჩოებშივე. მართლაც და, თუ მარქსისტები მტრები არიან კოოპერაციისა, რომელსაც ისინი სთვლიან დროე-

პით ზომით, საკვირველია, რაღა მარტო კოპე რაციისათვის მოიცალეს?! დროებითი ზომები ხომ სხვაც ბევრა? თვით მარქსისტთა პროგრამა მინიმუმი ასეთ ზომებისაგან არ უსდგება? დემოკრატიული რესპუბლიკა, 8 საათ. სამუშაო დღე, სახელმწიფოს და ეკლესიის განცალკევება, არა პირდაპირი ვადასახადების მოსპობა, მიწების კონფისკაცია და სხვ. და სხვ.— ყველა ესენი ხომ დროებით აყუჩებენ დემოკრატიის ტკივილებს! ფედერალისტთა ლოლიკით მარქსისტები ამათაც უნდა მტრობდნ.

ფედერალისტებს დავიწყნიათ ჩვენი დღევანდელი ტაქტიკა. სოც.-დემოკრატია მტერი ყოფილა დროებითი ზომისა, რეფორმისა; მას არ სწამებია თანამედროვე საზოგადოების ფარგლებშივე გაუმჯობესება დემოკრატიის მდგომარეობისა. მთელ სოც.-დემოკრატის ფედერალისტები მაქსიმალისტებათ ნათლავენ, „ყველაფერი ან არაფერის“ პოლიტიკას, — ამ ანარქისტების ლოზუნგს, მას ძალით თავზე ახვევენ. დღეს მთელი ქვეყნის სოციალ-დემოკრატის აქის პროგრამა მინიმუმი, რომელსაც თვით მარქსმა ჩაუყარა საფუძველი ჯერ კიდევ კომუნისტურ მანიფესტში, სადაც ჩამოთვლილია ათამდე სხვა და სხვა დროებითი ზომები მუშათა მოძრაობის სახელმ-ღვანელოთ.\*) ეს ძლიერ კარგათ მოგხსენებათ ფედერალისტებსაც, ყველა ამის შემდეგ, მოდი და ნუ გავივირდება ფედერალისტთა „ადმოჩენა“: მარქსისტები ულოლიკობაში დავიჭირეთ; ისინი ემხრობიან კოაპერაციას, ამ მათივე აზრით დროებით ზომასო.

ახლა განვიხილოთ, თუ ვინ უფრო კარგ მოყვრობას უწევს კოაპერაციას, როგორც თეორიულათ, ისე პრაქტიკულათ. თვით კარლ მარქსი ჯერ კიდევ 1864 წ. სიაზოვნებით და დიდის კმაყოფილებით აღნიშნავდა (ინტერნაციონალის მანიფესტში) როდღდღლის პიონერების გამარჯვებას და ამბობდა: ეს დიდი ნაბიჯია წინ, მუშათა პოლიტიკურმა ეკონომიამ პირველათ დაამარცხა ბურჟუაზიული პოლიტიკური ეკონომიაო.\*) ამავე მანიფესტში იგი სწერს: „მუშათა კლასის ხსნისათვის აუცილებლათ საჭიროა კოაპერატიული შრომა გადაიქცეს სახალხოთ; ამისათვის მას სახელმწიფოც უნდა

დაეხმაროსო.“\*\*)) დასავლეთ ევროპის სოც.-დემ. დღეს კოაპერაციას დიდ ყურადღებას აქცევს და ყველგან სათავეში უდგია მას. ასევე ხდება რუსეთშიც რაც შეეხება კავკასიის, თამამათ შეიძლება ითქვას, რომ აქ კოაპერაცია ღორძინდება სწორეთ სოც.-დემ. მეოხებით; მცირედის გამონაკლით იგი აქ დასელთა ხელშია. სწორეთ დასელები ცდილობენ, და შედარებით კიდევ მიახწიეს მიზანს, დააყენონ კოაპერაცია ინტერნაციონალურ ნიადაგზე, რაც აუცილებელი პირობაა კოაპერაციის ასაღორძინებლათ. ამ მუშაობის დროს ჩვენს სოც.-დემოკრ. ხელის შემწეულათ მოველინენ სწორეთ ფედერალისტები, ეს, მათი სიტყვით, კოაპერაციის მარლი და ერთათ-ერთი ქარისუფალ-მოჭირანხულებნი ჩვენში. მათ სანუკვარ-სანატრელ საგნათ გადაიქცა ეროვნული კოაპერაციის შექმნა, რითაც, ნებისთ თუ უნებლიეთ, ძირს უთხრიდნ ახლად ეფხადგმულ კოაპერაციას. უბრალო მგალითი: ამიერ-კავკ. მომხმარებელ საზოგადოებათა კავშირეს დაარქებას ჩვენი ფედერალისტები ძლიერ მტრულათ შეხედენ. „სახ. ფურკლის“ რედაქციამ ძალი-უნებურათ დაბეჭდა სიარგანისაციო ბიუროს მოწოდება და ასეთი შენიშვნა გაუკეთა: „სიარგანისაციო ბიუროს სურვილით იბეჭდება ეს მოწოდება“. („სახ. ფურ.“ № 514, 1915 წ.). ამას მოჰყვა თ. ლლონტის წერილი, სადაც მან აშკარათ წამოიჩოქა ეროვნული კოაპერაციის წინაშე.

ჩვენთან საპოლემიკო წერილში თ. ლლონტი სწერდა:

„პარტიული კოპერაცია ლოლიკური ამსურ-ღია და ამსოლიუტური უარყოფა კოაპერატიზმისა... კოაპერაცია უნივერსალიზმის ელემენტებს ატარებს და, როგორც ასეთი, ფარავს ყოველ ჯურის ძალას... კლასს, ჯგუფს“ („სახ. ფურკ.“ № 695). იგივე თ. ლლინტი „ამ-კავკ. მომ. სახ. კავშირის“ საწინააღმდეგო ფელეტონ ში სწერს: „მევერ წარმოამდგენია, როგორ უნდა შევკრიბოთ ერთ დარბაზში არდასუქელი და ნუხელი გლეხი და ნახიჩევანის სომხის, ან შუშელი თურქის ინტერესი შევეართოთ ანანურის რომელიმე მთიულის ინტერესთან“. („სახ. ფურ.“ № 514 15 წ.).

ამის შესახებ აწ განსვენებული კოაპერატორი გ. ლლომთათიქე ამბობს: „ბ. თ. ლლონტს, რო-

\*) კომუნისტური მანიფესტი თავი II, გვ. 38.  
 \*\*) Текстъ. Интернаціональ гв. 41.

ib., გვ. 41. შედარე. Капиталъ, т. III, часть I стр. 416.

გორც ეკონომისტს უნდა მოეხსენებოდეს, რომ კოოპერატიული მოძრაობა არის უაღრესად ეკონომიური მოძრაობა. თუ კი კერძო კაპიტალი შეერთებულა და ეროვნებისა და ადგილის მიუხედავად ერთნაირად ჰკრებს და ჰკვებავს ნახევრათ ყალბი საქონლით მომხმარებელს, რატომ კოოპერატიულმა კავშირმა ვერ უნდა შესძლოს მოძმ. საზოგადოებათა წარმომადგენლების ერთ დარბაზში შეკრება დი საერთო საქმეების საერთო ძალებით გაძღოლა?“. ჩვენ შეგვიძლია მეტი გამბედაობაც გამოვიჩინოთ, ამბობს იმავე წერილში თ. ღლონტი, **„აშკარა ძალადობა... როდესაც შეგნებულათ ვაერთობთ და ჩივანებთ სხვა და სხვა ცოდნის, მიმართულების, ჩვეულების და ენის ხალხს**, ისეთ პირობებში, სადაც მათ არ შეუძლიათ გამოიჩინონ საკმაო ფხიანობა“. და სხვ. და სხვ.. (იქვე). მე განგებ ხაზს უსვამ სიტყვებს: სხვა და სხვა ცოდნის, მიმართულების, ჩვეულების, ენის“. თურმე ასეთი ხალხის ერთ კავშირში შეერთება უფუნსრობაა, „აშკარა ძალადობა“. მაშინ საზოგადოთ კავშირი შეუძლებელიც ყოფილა თ. ღლონტის ლოლიკით. რომელ საგუბერნიო ერთეულს დაასახელებს თ. ღლონტი, სადაც კოოპერაციას შეეძლოს ერთნაირ მიმართულების და ცოდნის ხალხს დამყაროს?.. ან რა მოსატანია აქ ენა, ცოდნა, მიმართულება, ზნე-ჩვეულება, როდესაც კოოპერაცია იმავე თ. ღლონტის განმარტებით „უნივერსალური დაწესებულებაა, რომელიც ფარავს ყოველივე ჯურის ძალის, პარტიას, ჯგუფს?“. გიკვირთ ასეთი თავის თავის წინააღმდეგობა?—ნუ გაგიკვირდებათ, ეროვნულ თვალსაზრისზე მდგომ ეკონომისტს ყველაფერი ეპატიება.

**ბ. მიხელიძე.**

ამიერ კავკასიის ახალგაზრდა მარქსისტთა ორგანიზაციის პირველი კონფერენცია.

(მეორე სხდომა. 18 იანვარი).

თავიჯდომარეობს ახ. ს. ტაბიძე.  
 ახ. მ. ხუნდაძე აკეთებს მოხსენებას მიმდინარე მონეტის შესახებ. მომხსენებელი ანალიზს უკეთებს რუსეთის ეკონომიურ მდგომარეობას და ამბობს, რომ ჩვენი ქვეყნის ობიექტური და სუბიექტური პირობები არ არის იმდენათ მომწიფებული, რომ შესაძლებელი იყოს დღესვე ჩვენში სოციალისტური რევოლუციის მოხდენა. ქვეყნის ეკონომიურ პირობების მიხედვით დღეს რუსეთში ბურჟუაზიული რევოლუცია ხდება, რომლის პირდაპირ

მიზანს დემოკრატიულ წყობილების დამყარება შეადგენს. ამას გეიკარნახებს სწორი მარქსისტული გაგება ისტორიულ განვითარებისა და ყოველგვარი ექსპერიმენტი, რომელიც არ ეთანხმება ეკონომიურ მდგომარეობის ამ ანალიზს, ეწინააღმდეგება ჩვენი რევოლუციის მიზნებს და დემოკრატის დამარცხებას უშმაღებს. აქედან ცხადია, თუ რა საზინად საღრთხის უშმაღებენ რუსეთის რევოლუციას ბალშევიკები, რომელნიც; შესტოვენ რა ანარქო-სინდრიკალიზმში, არ უწევენ ანგარიშს რუსეთის რეალურ პირობებს და დღესვე სოციალიზმის განხორციელებას ცდილობენ... პერიფერიებში რევოლუციის განმტკიცება, კერძოთ ამიერ კავკასიაში ძლიერი დემოკრატიული ცენტრის შექმნა ამიერ-კავკასიის სიემის სახით და სრულიათ რუსეთის დემოკრატიის გავრთიანება დამფუძნებელ კრების იდეის გარშემო, რომლის იდეაც არასოდეს არ მოკვდება,—ი ერთად ერთი გზა, რომელიც იხსნის რუსეთის რევოლუციას.

მომხსენების შემდეგ იმართება ცხარე კამათი. კამათში მონაწილეობას იღებენ ამხანაგები: დულუჩაია, ბერიძე, კვაჭაძე (ბალშ.), ვ. ნიკურაძე და სხვები. ორატორების დიდი უმრავლესობა იცავს მომხსენებელის მოსაზრებებს. საპასუხო სიტყვაში ახ. მომხსენებელი კიდევ უფრო აღრმავებს თავის მოსაზრებებს.

რევოლუციის გამოტანა კრებამ შემდეგი სხომის-თუის გადადო.

ამის შემდეგ ახ. ვ. ნიკურაძე აკეთებს მოხსენებას ჯარში გაწვევის საკითხის შესახებ. მომხსენებელი აცნობს კონფერენციას იმ პირობებს, რომლებმაც აიძულა ჩვენი პარტია დადებითად გადაეტრა 19-25 წლიანების ჯარში გაწვევის საკითხი. ანარქისიზამ თავის დასაცავათ არ აჩვენა საკმაო მარტო ნაციონალური პოლკები. სახალხო ლილიციის მოწყობა კა ბევრ დროს მოითხოვს. ამიტომ ჩვენ უნდა შეურიგდეთ მობილიზაციას, როგორც აუცილებელ ბოროტებას და ამასთანავე დღესვე უნდა შეუდგეთ სახალხო მილიციის მოწყობას. შემდეგ მომხსენებელი ენება საკითხს, თუ როგორ გავლენას იქონიებს მობილიზაცია ჩვენს ორგანიზაციაზე და შენიშნავს: რასაკვირველია, მობილიზაცია ცუდ გავლენას მოახდენს ჩვენს ორგანიზაციაზე, მაგრამ ჩვენი ვალია სავსებით გავითვალისწინოთ დღევანდელი რთული პირობები და მონეტის აუცილებელი მოთხოვნილება და გავილოთ საჭირო მსხვერპლი.

მომხსენების შემდეგ გამართულ კამათში ახ. ბიძინა რამიშვილი სხვათა შორის შენიშნავს, რომ მობილიზაცია არ იქონიებს იმდენ ცუდ გავლენას ჩვენს ორგანიზაციულ მუშაობაზე, როგორც ეს ბევრს ჰგონია. პირიქით, ორატორის აზრით, რადანაც ჩვენი ამხანაგების უმრავლესობა საგუბერნიო და სამაზრო ქალაქებში მოიყარათ თავს, მოსალოდნელია კიდევ უფრო ინტენსიური მუშაობა გაჩაღდეს. საპასუხო სიტყვაში ახ. მომხსენებელი აკრიტიკებს ზოგიერთ ოპონენტების მოსაზრებებს და სხვათა შორის ამბობს, რომ ჩვენ არ შეგვიძლია გავიწიაროთ ბალშევიკების შეხედულება, თითქოს სახალხო კომისართა საბჭოს ძალა-უფლების აღიარება ყველაფრის გაკეთებას უღრისო.

(ხალმოს ხელმა).

მოხსენებას აკეთებს სამანდანტო კომისიის წევრი ანხ. დ. ლომთაძე. კონფერენციაზე წარმოდგენილი არიან შემდეგი ორგანიზაციები: თფილისის (დელეგატები ბ. რამიშვილი, ვ. ნიკურაძე, კ. ბაქრაძე, მ. ხუნდაძე, გ. სულაქველიძე, ა. მექანარიშვილი, ს. მიხელიძე, ვ. მაშკევიძი), ხაშურის (გ. მგელიძე, კ. კედიანი, ჩიხატაურის (ა. მგვერლიშვილი, ბ. დგებუაძე, გ. შაქარიშვილი, ს. ტაბიძე), ბათუმის (ა. ქურთია, ა. ბერაძე), ოზურგეთის (ე. თალაკვაძე, ა. შილაკაძე, ა. დულუჩავა, ი. ცინცაძე) და სამტრედიის (მ. ჩიჩუა); სულ 16 ორგანიზაცია. დამტკიცებულ იქნა 39 მანდატი. დელეგატებიდან 38 ქართველია და 1 რუსი.

სამანდანტო კომისიის მოხსენების შემდეგ კრება გადადის კონფერენციის მთავარ საგანზე — ორგანიზაციულ საკითხის გარჩევასზე. ამ საკითხის შესახებ მოხსენებას აკეთებს ანხ. ვ. ნიკურაძე.

ყველამ კარგათ ვიცით, — იწყებს მომხსენებელი, — თუ რა აუტანელ პირობებში ცხოვრობდა ახალგაზრდობა ჩაქციის დროს. მისი დიდი მისწრაფება ვერ პოულობდა რეალურ გამოხატულებას. ამ მხრად აუტანელ პირობებში იყვენ როგორც მოწაფეები და სტუდენტები, ისე ახალგაზრდა მუშებიც. მაგრამ შედარებით უკეთეს პირობებში უხდებოდა მოქმედება მოსწავლე ახალგაზრდობას. ამით აიხსნება ის გარემოება, რომ მოწაფეები რევოლუციის დროსაც ახერხებდნენ ასე თუ ისე ორგანიზაციების მოწყობას. ჯერ კიდევ რევოლუციის დროს მოეწყო „ამიერკავკასიის მარქსისტ მოწაფეთა კავშირი“ და გაიმართა ქ. ქუთაისში კონფერენცია. ამ კავშირში მხოლოდ მოწაფეები შედიოდნენ; ვინაიდან აუტანელ პირობების გამო შეუძლებელი იყო ორგანიზაციის უფრო გაფართოება... რევოლუციამ ერთიანთა შესცვალა პირობები. ახალგაზრდობამ ოავსიუფლათ ამოიღოთქა და შეუდგა ორგანიზაციების მოწყობას. თვით ცხოვრებამ დაჟინებით მოითხოვა მოსწავლე ახალგაზრდობისა და ახალგაზრდა მუშების გაერთიანება, მათი ერთ ორგანიზაციაში შეკავშირება. ამის გამო მოსწავლეთა კავშირი ფაქტიურათ გადაიქცა ახალგაზრდობის საერთო ორგანიზაციათ. სასურველია ეს მოვლენა თუ არა?

თუ მხედველობაში მივიღებთ იმ გარემოებას, რომ ორგანიზაციის მთავარ მიზანს უნდა შეადგენდეს ერთიანი თეორეტიული ცოდნის შექმნა და მეორეს მხრივ ფაქტიურ ცხოვრებაში აქტიურ მონაწილეობის მიღება, უნდა ვივარაუდოთ უნდა ვივარაუდოთ, რომ საერთო ორგანიზაციის მოწყობა პირდაპირ აუცილებელი და მიზანშეწონილია. როგორც დელეგატების გუშინდელ მოხსენებიდან გამოირკვა, ამ სახით იწოდება ორგანიზაციები

პროვინციებშიც. მაკვირვებს მხოლოდ ქუთაისის ორგანიზაცია, სადაც ქუთაისელ დელეგატის სიტყვებით, ორგანიზაციაში დღემდეც არ მიუღიათ მუშები. მომხსენებელს აკვირვებს ქუთაისის დელეგატის არაუმენტაცია, რომელიც მდგომარეობს იმაში რომ მუშები უკვე შედიან ს. დემოკრატიულ პარტიაში; მაშასადამე არც საჭიროა მათთვის ჩვენს ორგანიზაციაში ჩაწერა, ისინი ჩვენს ორგანიზაციაში ვერაფერს შეისწავლიან. მაგრამ ვკითხვები დელეგატს, განაგრძობს მომხსენებელი, ნუთუ ჩვენი ორგანიზაციაში ყოფნა ხელს უშლის ს. დ. პარტიაში ყოფნას? და ნუთუ თვითონ დელეგატი, რომელიც ჩვენი ორგანიზაციის წევრათ ითვლება, თუ წლოვანება ხელს არ უშლის, დღემდის არ ჩაწერილა ს. დ. პარტიაში?

როგორი ხასიათის უნდა იყოს ჩვენი ორგანიზაცია? პრინციპიალურათ, ზედ-მეტია იმაზე დაპარაკა, რომ ჩვენ ყველანი გაერთიანებული ორგანიზაციის მომხრე ვართ. კიდევ მგტი, არამც თუ გაერთიანებულის, რომელიც მანც სხვა და სხვა პარტიას გულისხმობს, ჩვენ გესურს მხოლოდ ერთი ს. დემ. პარტია არსებობდეს, ვინაიდან ერთი პოლითა კლასი და მისი ინტერესების გამომხატველი მონოტიკური პარტიაც ერთი უნდა იყოს. მაგრამ როდესაც საკითხი პრაქტიკულათ დგება, ყოველთვის მოუხერხებელი ხდება ბალშევიკებთან საერთო ორგანიზაციის მოწყობა. ამ შეხედულების დამამტკიცებელი ბევრი მაგალითები მოიპოვება. ჩვენ აქ არას ვამბობთ ძველ ბალშევიკებზე, რომლებიც ჩვენთან ერთად მუშაობენ. ახლანდელ ბალშევიკებთან გაერთიანებაზე ლაპარაკი ყოველთვის უნაყოფოთ დარჩა. ამ ნიდავაზე ჩვენ მათ თავიც კი მოვამბერეთ. რამდენიმეთ ამითაც აიხსნება, რომ ჩვენ ბალშევიკები „составател“-ებს ვეყაზიან. ახალ მოვლინებულ ბალშევიკებს მარქსიზმიც კი სხვანაირათ ესმით; მეტსაც ვიტყვი, მათ უკვე მიატოვეს მარქსიზმის ნიდავაი. მაშასადამე, მათთან მარქსიზმის შესწავლაც კი მოუხერხებელია. გამოვიდვიართ რა აქედან, ჩვენ ვასკენით, რომ დღეს უნდა მივსკეთე ჩვენს ორგანიზაციას ფრაქციული ხასიათი (შენშევიკური). მით უმეტეს, რომ ჩვენი ორგანიზაციების ფაქტიური შემადგენლობა დღეს თითქმის ყველგან მენშევიკურია. ჩვენ ამით ორგანიზაციის შინაარსს შესაფერ იცვარს, გამოხატულებას მივსკემთ. ორგანიზაციის ფორმაც ვარკვეული, მტკიცე ხასიათი, ღაც აუცილებელი პირობაა ყოველგვარ ორგანიზაციის სიძლიერისა და მისი მუშაობის ნაყოფიერებისათვის.

მოხსენების შემდეგ ცხარე კამათი იმართება: ორატორების დიდი უმრავლესობა იმ აზრს იზიარებს, რომ არაა საჭირო ორგანიზაციას ფრაქციული ხასიათი მიეცეს. რადგანაც კამათი ძალზე გაქიხნულა, კონფერენცია საჭიროთ სთვლის განისაზღვროს ორატორთა რიცხვი. სიტყვა ეძლევა სამ ორატორს ფრაქციულ ორგანიზაციის მომხრეს და სამს მოწინააღმდეგეს.

ანხ. ს. მიხელიძე წინააღმდეგია ორგანიზაციის ფრაქციული უწოდოთ. იგი ამბობს, რომ რადგანაც მუშათა კლასი ერთია და ჩვენც ამ მუშათა კლასის ინტერესებს



დაცვას ვცდილობთ, ცხადია, ორგანიზაციაც ერთი უნდა შეექნათ. ჩვენ უფროს ამხანაგებმა ვერ მოახერხეს გაერთიანება დღევანდელ ბალშევიკებთან; მაგრამ არიან ძველი ბალშევიკები, რომლებიც ჩვენთან ერთად მუშაობენ. ჩვენი უმთავრესი მიზანი პარტიზმის შესწავლაა. სწორეთ ამ ნიადაგზე შეიძლება გაერთიანებული ორგანიზაციის შექმნა. ჩვენ უნდა ვეცადოთ, რომ ამ მოხდეს იმ ორგანიზაციების გათიშვა, რომლებშიაც ორივე ფრაქცია ერთად მუშაობენ.

ამხ. მ. ხუნდაძე. ამხ. მიხეილის მოსაზრებები სრულიადაც არ ეწინააღმდეგებიან ჩვენს პოზიციას. ჩვენ არ ვამბობთ, რომ გაერთიანებულ ორგანიზაციების უსათუოდ დაყოფა უნდა მოხდეს. ჩვენ ვამბობთ, რომ დღეს მუშათა კლასის ინტერესების ერთად ერთი გამომხატველი მენშევიკებია; ბალშევიკები დღეს თავიანთ უტოპიურ მისწრაფებებით სავსებით ეწინააღმდეგებიან პროლეტარიატის ინტერესებს. სწორეთ ეს გარემოება მოითხოვს, რომ ორგანიზაციას მენშევიკური ხასიათი მიეცეს, აქედან სრულიადაც არ გამომდინარეობს, თითქოს არსებული გაერთიანებული ორგანიზაციები უსათუოდ უნდა დაიშალოს.

ამხ. ჟღენტრ აღნიშნავს, რომ მუშებში ფებს იკიდებს გაერთიანებისადმი მისწრაფება. ასეთი მაგალითები უკვე იყო შოსკოვში, თფალინში და სხვაგან... ორატორი მოუწოდებს კონფერენციას მიიღოს გაერთიანებული ორგანიზაცია.

ამხ. ბ. რამიშვილი. აქ მოყავთ სხვა და სხვა მაგალითები იმის დასამტკიცებლად, რომ ძნელი მოსახერხებელია გაერთიანებული ორგანიზაციის შექმნაო. მაგრამ არის სხვა მოსაზრებებიც, რომლებიც გვაძლავებენ, რომ ორგანიზაციას სწორეთ გაერთიანებული ხასიათი ჰქონდეს. ჩვენი ორგანიზაციის მთავარი მიზანს თეორიული კოდნის შეძენა შეადგენს. რასაკვირველია, აქ დაიბადება აზრთა სხვა-და-სხვაობა, მაგრამ ეს არ არის ისეთი ფაქტორი, რომელიც უსათუოდ ორგანიზაციულად დაყოფას მოითხოვდეს... ფრაქციულ ორგანიზაციის დასაცავათ აქ მოყავთ ის მოსაზრება, რომ ორგანიზაციის ფაქტიურ უმრავლესობას მენშევიკები შეადგენენ. მაგრამ ჩვენ ვიტყვით, რომ დღემდის ს.დ. პარტიაში უმრავლესობას „ობორნტული“ ფრთა შეადგენდა. მაგრამ აზრათაც კი არავის მოსვლია, რომ ამიტომ პარტია უსათუოდ უნდა გაყოფილიყო. არ უნდა დავივიწყოთ, რომ ჩვენ მომავლის შეილება ვართ. ამასთანავე არ უნდა დავივიწყოთ ის რწმენა, რომ მუშათა კლასის ინტერესების დამცველი მომავალში მხოლოდ ერთი პარტია უნდა იყოს. ჩვენ აქედანვე ნიადაგი უნდა შევამზადოთ ამ რწმენის განსახორციელებლად. დასასრულ ორატორი მიუთითებს სუბიექტიურ მომენტზე, რომელიც დამახასიათებელ ფაქტორათ მიაჩნია ამ შემთხვევაში და დაასკვნის, რომ ორგანიზაციას არ შეიძლება მიეცეს ფრაქციული ხასიათი.

საპასუხო სიტყვაში მომხსენებელი იცავს თავის მოსაზრებებს და აღნიშნავს იმ დაბრკოლებებს, რომლებიც

წინ აგვეტუზება პრაქტიკულ მუშაობის დროს, თუ დღესვე არ მისცემთ ჩვენს ორგანიზაციას გარკვეულ ხასიათს. ეს დაბრკოლებები მინც გამოიწვევენ ორგანიზაციის გაყოფას. თუ ჩვენ ფრაქციულ ორგანიზაციას ვიცავთ, ამით ველოდებით მხოლოდ იმას, რაც სინამდვილეში არსებობს. მე წინააღმდეგ არ მივსცემ ხმას, ამბობს მომხსენებელი, თუ უმრავლესობა არ მოისურვებს ორგანიზაციას მისცეს შინაარსისა და დანიშნულების შესაფერი ფორმა, სახელწოდება.

მაგრამ, ვფიქრობთ, ასეთ ორგანიზაციაში მუშაობას ბევრი დაბრკოლებები გადაელობება წინ. ეს დაბრკოლებები ბოლოს და ბოლოს მინც გამოიწვევს ორგანიზაციის გაყოფას, თუ მან არ უღალატა მთავარ ხას-მენშევიკურ მიმართულებას.

კრებს გამოაქვს შემდეგი დადგენილებები: ორგანიზაცია წარმოადგენს ახალგაზრდათა ორგანიზაციას და არა მოწაფეთა (ერთხმათ); ორგანიზაციას არ ექნება ფრაქციული ხასიათი (ხმა მისცა ოცმა კაცმა, წინააღმდეგ შეიღმა); ორგანიზაციის სახელწოდება იქნება: „ამიერ-კავკასიის ახალგაზრდა მარქსისტთა ორგანიზაცია“ — „Закавказская Организация Марксистской Молодежи“.

ცენტრალურ ორგანოსა და ფინანსების შესახებ მოხსენებას ახეთებს ამხ. ბ. რამიშვილი. იგი არკვევს, თუ რა დიდი მნიშვნელობა აქვს ბუქედითი ორგანოს ორგანიზაციისათვის, რომელიც მისი შინაარსის, მისი ცხოვრების გამომხატველი იქნება. ეხება რა ცენტრალურ ორგანოს მიმართულებას, მომხსენებელი აღიარებს, რომ იგი უნდა ატარებდეს ორგანიზაციის უმრავლესობის ხელშეწყობას, რადგანაც ორგანიზაციის ყველა წევრში უნდა გამოხატოს თავისი აზრი ცენტრალურ ორგანოს საშუალებებით, მომხსენებელს შესაძლებლათ მიაჩნია ორგანოში ალაგი დაეთმოს ისეთ წიგრალებს, რომლებიც არ ეთანხმებიან უმრავლესობის მიმართულებას. ასეთი წერილები, რასი აზრით. სარედაქციო შენიშვნებით გაიშვება. ცენტრალურ ორგანოს ფინანსური უზრუნველსაყოფათ მომხსენებელი შემდეგ საშუალებებს ასახელებს: 1. ადგილობრივ ბუქედითი ორგანოების თანხა (ფოთის და ოზურგეთის ორგანოები, რომლებიც, მომხსენებლის აზრით, უსათუოდ უნდა დაიხუროს), 2. ადგილობრივ ორგანიზაციების შემოსავლის ნაწილის გადადება ცენტრ. ორგანოს სასარგებლოდ (მომხსენებელი 10%-ის ასახელებს), 3. ერთდროულ ძირითად თანხის შედგენა (3000 მან.), 4. მოსალოდნელი შემოწორულება და 5. ლექტორთა ჯგუფის შედგენა, რომელიც გამართავს სისტემატიურ ფასიან ლექციებს ორგანიზაციის სასარგებლოდ.

მცირე კამათის შემდეგ კონფერენციას გამოაქვს შემდეგი დადგენილებები: 1. უფრხალი „ახალი კვალი“ არის ორგანიზაციის ცენტრალური ორგანო, 2. უნდა დაიხუროს პროვინციული ორგანოები (ფოთის და ოზურგეთის); 3 ცენტრალური ორგანო გამოდის ქართულ ენაზე და 4 ვგალება ცენტრალურ კომიტეტს იზრუნოს ახლო მომავალში რუსულ ორგანოს გამოცემაზე.

კრების დახურვის წინ ამხ. ვ. ნიკურაძის წინადადებით კონფერენცია ერთხმით ადგენს მისასაღმებელ დებეშა გაუგზავნოს ჩვენს დიდებულ ჭაღარა მასწავლებელს — ნოე უორდანიანს. ტექსტის გამოქმუვება დავიკოცენტრალურ კომიტეტს.

5 984 33  
1918